

平仲清江集鈔

孔平仲字毅父

義一作

武仲之弟登進士第呂公著薦爲

秘書丞集賢校理出爲江東轉運判官提點江浙鑄錢
京西刑獄紹聖中以元祐黨人屢謫詔惠英三州徽宗
召爲戶部金部郎中提舉永興路刑獄帥鄜延環慶黨
論再起罷主管景靈宮卒平仲長於史學工詞藻故詩
尤夭矯流麗奄有二仲

發儀真寄常父弟

卯角同出處中路稍差池往事如一夢新年生白鬚小官
仍齟齬異國更羈縲長時恨隔濶旣見少開眉朝共壚邊
飲暮同窻下碁一日復一日眷眷不忍離今茲解舟去豈
爲赴同期久住恐相溷蕭然生事微欲將眼中淚一灑別
時衣諸緒正牢落勿令心重悲融怡和笑語愴悵迷東西
甘言戒婢子循髮祝阿宜憤憤情懷惡正同中酒時晚泊
蘆荻岸江天雲四垂高城已不見春雨更如絲

二十二日大風發長蘆

張帆風尚小出口勢愈急扁舟已中流前後無所及側看
岸旋轉白浪若山岌礫礫時有聲百罇水爭入危檣聽欲
折柁柄脫操執我有常病妻素羸多不粒及茲益憤亂臥
喘氣吸吸婢媵半北人茲險未嘗習蒼皇面淡墨嘔噦皆
膽汁可憐兒女輩往往相聚泣出門強指揮飛沫濺衣濕
江豚踊吾前獮獺作人立意如驚吾巖出沒相百十呼神
擲楮泉祈佛啟經襲是時正月尾於節甫驚蟄雲氣作冥
晦氣候變寒澁日中僅得止性命危若拾紛然方寸亂魂

幹久不集官期幸未迫安用苦汲汲官兵勇貪程一震當
少戰何如彼居民生不出井邑吾田雖曠瘠飢粥粗可給
勞生默自慨茅舍行且葺

讀江淹集

煌煌一疋錦爛爛五色筆始如何處得悵此夢中失淹也
雖善文歲麤少筋骨譬人氣不淡往往多奄忽晚年既富
貴外學仍老佛豈非有所怠寢使天才屈奈何不自尤秘
怪疑鬼物我有十丈舟風期駕溟渤褰霞 東皇擘浪窺
月窟唯憂倦或止視此頗自粟

鑄錢行

三更趨役抵昏休寒呻暑吟神鬼愁從來鼓鑄知多少銅
沙登就城南道錢成水運入京師朝輸暮給苦不支海內

平仲清江集鈔

二

如今半爲監農持斗粟却空歸

呈范清老

范子愛高卧家政付兒孫將身比瞑目達理吾所尊前日
過所居蔓草深閉門范子欠伸起性寡笑與言相與尋幽
寺復將坐前軒斜陽滿庭下不厭鳥雀喧擘雲青山秀經
雨野水渾念此景清曠非君誰與論少年一傾蓋白首義
彌敦頽然各忘返明月照黃昏

曹亭三絕句

外看江水長裏見荷花發廬阜收白雲南浦浸明月
漾舟荷花裏艤棹綠楊陰却上曹亭望山高江水淡
登臨常患遠游覽不能繼此景對門牆復與日三四

夜入監中

歆枕汗如洗出門更已深長風萬里至河漢清人心笑菓
有佳氣楊柳搖疎陰秋聲繁促織月色動棲禽落魄衣忘
帶逍遙髮懶簪聽從涼冷入一快直千金

七月六日作

隔江見雨來尤苦風大疾蓬蓬宇宙中掀攪若無物百川
水倒流瓦石亦飛越濃雲最輕浮暫聚非永結隨吹東西
揚散漫頗倉卒竟無點滴惠初勢不可遏正昏露青天方
暄見白日但增塵土高益便水泉竭農夫憂歲事悵望眼
流血蛟龍不能神卷尾藏窟穴空餘鳥雀噪庭戶晚更熱
淡夜氣稍綠林端挂明月

暇日至家園

仕宦吾已知退休不如早九江園地勝萬箇竹色好每到

平仲清江集鈔

三

必裴回翛然寄懷抱于此築亭臺于彼植花草傍嶺更栽
松引池將漑稻經營各有處何日室遂考薄田方待歲一
雨洗枯槁指穀以易泉橐囊助傾倒茅茨若粗完世路迹
可埽南山多白雲臨望娛我老

城東作

九江非吾土久寓忘鞿屨丘墳之所宅舍此亦安歸錢官
最閒暇因得治其私松楸鬱在塋時復至郊圻駕言上東
原藹藹晨露晞草木新過雨秀色可療飢念此道傍民散
居在山蹊新秋百物熟入城各有攜芋迸紫卵壯薑抽紅
筍肥櫛香憶烹鯉稻白想流匙養生無不有美味仍及時
此土遂可老行當結茅茨雲水有淡約塵埃無盡期人生
適意耳富貴亦何爲

月夜

平生最好月况此秋夜闌長風送蕩濛濛浩露洗團團仰頭
視虛空光采如可餐星辰斂芒角河漢收波瀾更無微雲
翳挂此白玉盤六合靜皎皎萬木涼珊珊爲爾廢昏卧裴
回更漏殘更登高處望歷歷見湖山爽氣集冰雪清心生
羽翰便欲御冷然因之遊廣寒一臨天池水沐浴隨飛仙

出城一首

驅馬出北門秋色滿平臯泄雲弄微陰寒日照我袍遵塗
升復降控縱亦已勞落松被徑軟青蒿倚崖高南顧臨大
江厲風蔚波濤蛟龍正崛強舟楫未易操亦有沂泗人揚
帆氣方豪覆舟諒由險豈曰命所遭

九日獨登曹亭

平仲清江集鈔

四

重陽不見菊節物愈凋零性復不嗜飲對酒只如醒秋堂
靜便卧既起息殊清登高未免俗亦不造林垆屋西連郡
郭木末乃曹亭杖藜只獨往坐對南山青蕭瑟西風高泱
泱滯雨晴斷雲見天色殘潦知地形遙峰落照斂別浦暝
煙生歸鳥向村急孤舟當渡橫此時有佳興乃惡聞人聲
况令預尊俎而使聽竽笙嗟吾趣尚僻取笑世上英豈宜
濫簪紱但可老柴荆

堂前早筴樹

堂前早筴樹落葉已知積籬上牽牛花青青照秋色四序
都幾何推遷半陳迹晝短夜益長晴薄陰易得浮雲忽以
興慘慘風自北便有挾纊心人誰顧締綰飢蚊爾何爲乃
欲長肉食翼翅不能舉自此且衰息

朱君以建昌霜橘見寄報以蛤蜊

贈我以海昏清霜之橘報君以淮南紫脣之蛤橘膚軟美
中更甜蛤體堅頑口長合開花結子幸採摘沒水藏泥豈
靳得二物同時有不同賦形與性由天公請君下筯聊一
飽莫索珠璣向此中

夜坐庵前

人定鳥棲息庵前聊倚欄裴回明月上正在脩篁端清影
冰玉碎疎音環佩寒儵然耳目靜覺此宇宙寬人生甘物
役汨沒紅塵間宴坐得俄頃境幽心已閒諒能長無事自
可駐朱顏所以學道人類多隱淡山

杜令無隱亭賞梅

梅生要孤高故在城顛上臘過已多時花寒猶未放正前

平仲清江集鈔

五

乃廬山積雪千萬丈開樽 崢嶸酒面已遲上直須玉蕊
十分開洗盡煙嵐春氣回請君掃地更招客爲君 花卷
大白

晚興

春雪弄微陰晚色連細雨淖角茅已長瑞香花欲吐雖寒
亦料峭稍霽卽和煦園林擬杖策芳物行可數

上元作

春來霧雨久不收上元三日月如秋傾城娛樂競沽酒舊
歲豐登仍足油樓前燈山燒菽火光影動搖桑落州太守
憑高列歌吹游人烘笑觀俳優銅盤貯煤插烏帽從兵小
史片下樓侍觴行食皆官妓目眙不言語或偷短長赤白
皆莫校但取一笑餘何求譬如飲酒且爲樂不問甘苦醉

卽休歸來統如打五鼓春寒慘慘吹駝裘羣兒嬉戲尚未
寢更看紫姑花滿頭

送張天覺

車上不須舞途窮不須泣萬事儵忽如疾風莫以乘車輕
戴笠愛君清如玉立愛君直朱弦急膽肝磊落貯星斗意
氣軒騰脫羈繫聖明天子聚羣材下至椽棧猶收拾况君
屢薄青雲飛暫爾低田豈長蠶我亦區區有心者海水期
君更注池蕭蕭江路澀煙濛客帆濕惜君又作千里行欲
別還留手重執

詩贈王從善

廣庭試羣材俊筆馳短晷鎖廳爭第一乃後二三子騎龍
失頭角十載困泥滓泛舟自淮南得邑窮楚尾江上始相

平仲清江集鈔

六

逢清名久吾耳油然睹顏色悅澤已可喜博學有淵源高
談見根柢有如萬斛鍾久叩聲益起如君豈易得蹭蹬乃
在此械樸析爲薪奈何遺祀梓我本世畸人儻焉頑似鄙
一官傍松楸自足勝朱紫功名已灰心藜藿思沒齒欲結
方外游徜徉訪雲水聞君亦有意不戀五斗米笑指廬山
高論交從此始

春暄大旱率企援筆

去歲有閏旣苦寒今年春早亦大暄清明寒食在二月禁
火正如揮箒天桃花零落牡丹發漠漠江頭吹柳綿細蟲
打牕夜如雨潤氣蒸礎朝生泉卷簾闢向迎風坐徹禱去
屏思翬眠勸君用心愼倉卒萬事轉易如車旋安知明日
不凜冽莫以炎涼隨目前

送謝仲規致仕

公年五十餘鬚髯黑如漆朝廷方進用未是挂冠日又非
力不任數以身自乞人疑徇虛名今也踐其實蕭然巢許
姿臭腐視冕紱東南富人材卿相近間出急流能勇退千
古未有一賢哉謝夫子趣尚真不屈騰裝嶺外遠歸棹江
邊疾故鄉何日到清暑坐華室荔包雜紅紫茶品分甲乙
歲時會親賓左右列圖帙回頭煙瘴地揮手風波窟天將
勞以生乃獨取閒佚觀公眉宇秀凜凜有道骨當爲地上
仙不是籠中物我亦素有心賤貧嗟泪沒鴻鵠羽翼成高
飛脫羅罽鷓鴣未有巢側目空自失短章健公決行且營
蓬草

曹亭獨登

平仲清江集鈔

七

問我當何之曹亭蒼木外江湖水方漲曠濶吾所愛微風
撼晚色爽氣回秋籟楊柳隱官堤芙蓉接公解白雲依山
起點綴若圖繪何須招客遊清興自無輩落日更憑欄下
看飛鳥背

晨出郡南

日未忒山更青湖旣濶風自生垂楊弄疎影啼鳥曳殘聲
江城晚色懷抱爽况在白龍堤上行

夏旱

元豐四年夏六月旱風揚塵日流血高田已白低田乾陂
池行車井泉竭多稼如雲欲成就天胡不仁忍斷絕雷聲
隆隆電搖幟雨竟無成空混熱如聞大河决北方目極千
里波濤黃我願蛟龍卷此水灑落東南救焦死又聞戎瀘

方用兵戰車甲馬穿雲行安得疏江擁三峽餘波未流灌
百城分枝引派入南畝盡使枯槁得復生志大心勞竟何
補仰視雲漢高溟溟吾徒祿食固可飽更願眼前無餓羣

述鷗

水濱老父忘機開醉眼古石紅葉間綠波蕩漾意不動白
雲往來心與閒有鷗素熟翁如此命侶呼儔就翁喜相親
飲啄少與避自浮自沉不驚起漁人窺之卽謀取手攜羅
網來翁所羣鷗瞥見皆遠逝千里翩翩一回顧鷗不薄翁
勿疑避禍未萌真見機漁人羅網不在側敢辭旦夕從翁
嬉

乞巧

衆人喜乞巧我以巧爲憂言巧多欺佞行巧爲邪柔學巧
競穿穴文巧多彫鏤巧不令如此宜吾之恥求我欲守拙
性浩然鎮輕浮盡窳衆巧門化以孔與周此志尚未遂感
激在初秋南顧問牛女女實能巧不

使紙甚費

家貧何所費使紙如使水親交或見遺自買不知幾置之
几案間數軸俄空矣作字本不工學書非不喜不知何故
盡疑若有神鬼若云隨置郵性復懶牋啟間或強爲之皆
出不得已橫斜若幡脚齟齬如鴈齒數易僅能成紛紛多
廢委敘致失輕重畏慎防觸抵往往已緘封時時又刪洗
遂令巾衍竭大半或緣此昔無格先生云自蔡倫始假令
行竹簡禿野未供使人生有知慧不若愚且鄙古來取卿
相未必皆經史識教識點畫空耗五斗米咄嗟爲此詩又

是一張紙

送朱君貺德安宰罷任還

尋陽五邑誰善政歷陵令尹朱爲姓孜孜常以民存心四境安虞吏無橫吾愛其人頗真率笑語談諧喜譏評山有猛虎藜藿長人得朋友衣冠正當時文學推第一濶步青雲乃蹊徑大賢百里固非地赤子三年且無病如君才智可自達今歸朝廷惟所應君臣昔以譬壘筮吉甫文武陛下聖當陳半策縮萬金翩翩六翮凌風勁江邊鍾官老鑄錢坐禪已消窮且曠倘君富貴不通書當念行藏素非佞

寄子由

晨興悲風鳴霜霰集我屋忽驚歲云晚日月疾轉轂穴蟲知天時閉戶各潛伏而我亦勞止擾擾尚馳逐宵征戴星

平仲清江集鈔

九

暮飯多見燭灰塵彫鬚眉銅臭蝕肌肉念當投劾去牽繫五斗粟豈無數畝田亦有千箇竹平生羨爲農水旱憂不足空效鳥雀飢啾啾如聚哭內顧復遲回行藏類抵觸長卿著犢鼻揚子投天祿岷峨能生賢獨不主爲福如君乃棲棲似我宜碌碌連山積雪壯霽色明羣玉對此想清標凜然疑在目安得兩翅長高峰逐黃鵠飛去墮君前綢繆論心曲

元豐四年十二月大雪郡侯送酒

平明大雪風怒嗥屋上卷來亭下高更深更密皆能到所在紛紛如雨毛堆牀壓案埽復聚取筆欲書求折毫鬚眉沾白催我老白顛以下類擁袍此時只好閉門坐右手把酒左持螯奈何噴吭據聽事千兵踏籍泥如槽強登曹亭

要望遠紙傘掣手不可操
黑陰遮眼鋪水墨寒氣刮耳投
兵刀飢腸及午尚未飯更搜詩句無乃勞幸有使君憐寂寞
冥亟使兵厨分凍醪余雖不飲爲一醕兩頰生春紅勝桃
醉眼膏騰視天地螺贏螟蠹輕二毫勿令小暖氣便壯自
笑世間皆我曹

宵興

我眠何由安擊鼓中夜起
出門若秉燭月色照千里屋瓦
微有光紛紛雪正委清寒薄脫裘六合氣如水旣歸整燈
火危坐閱書史羸僮拭眼睫倚我色不喜問之強應對固
以噤口齒金壺澀冰澌城上更屢死戍兵飽且昏汗漫睡
方美援桴雖賤事其實關衆耳奈何司晨夕倒錯一至此
惟有赤憤雞嚶嚶鳴不已

平仲清江集鈔

十

十二月二十五日大雪

前時大雪風擾之有無厚薄皆不齊今朝大雪無風色下
隰高原總盈尺由來此物本陰氣偏近黃昏落尤劇斜縈
碎委百千態不是天上誰做得錚錚鳴霰已三日厭坐北
牕聞滴瀝自非猛下意不醒半夜一天星斗白漫漫玉珠
人世界蹂踐成泥真可惜呼童梯屋器貯之猶得煎茶待
嘉客

詠道上松

長松高落落積雪白皚皚
鱗鬣凍且僵鬱結久不開觀其
纏壓意直使同枯芟鴈帶寒光
去鳥傳春信來微陽入直
幹生意忽已回豁若醉初醒
整頓出塵埃秀色媚山腹孤
標摩斗魁時至自當復安得
長摧頰若非根本壯何能異

草萊

狂犬

吾家有狂犬其走如脫兔撐突盤盃翻搜爬堂廡汗逢人
吠不止雞噪猫且怒固難在家庭只可守村墅不見已半
年意謂少懲懼昨日至城東搖尾喜若赴衞衣復抱膝屢
叱不肯去一躍數尺高其強乃如故豈惟性則然汝分亦
天賦未聞有驕驕蹄嚙棄中路安敢攜汝歸重令兒女怖
子明碁戰兩敗輸張寓墨并蒙見許夏間出篋中所
藏以相示詩索所負且堅元約

平生性好墨以此為晝夜陳玄爾何為能使我心化四方
購殊品十倍酬善價江南號第一易水乃其亞古錦綴為
囊香羅裁作帕精粗校白黑情偽攷真詐欣然趣自得其

平仲清江集鈔

十一

樂勝書畫英英清河公風格繼王謝語舊則鄉邦論親乃
姻婭前時偶休澣亟之城南舍所嗜與我同奇蓄頗自詫
奕秋約籌局張遇賭龍麝貪多而務得廉遜或不暇鈔刀
施一割駑足效十駕決勝有如兵必爭還似射黑雲半離
披王馬 蹂籍初鳴已驚人再鼓遂定霸物情矜俊捷天
幸蒙假借功成不自高垂首甘褻罵子明每甚
敗語則褻但當 願
負然諾重高華彎弓既有獲豈不願鴟炙滌硯埃見臨倒
疑出相迓陵尊且犯貴此罪在不赦更許觀篋中前期指
朱夏

寒食郊外

涔涔雨沉城浩浩泥沒轍四山氣如蒸萬里天欲雪我時
出郊坳山徑屢曲折雖懷顛沛憂亦有觀覽悅幽花媚林

薄粲粲生意發紅紫相後先各自有時節長松困冰雪顛
顛終不屈及今翠夭嬌騰拔見筋骨陰陽有代謝物性安
可奪請視大塊中紛紛盡毫末興衰若鱗次今古猶市閱
只此晦與晴變態亦俄忽歸路日已曷披襟滌初熱

余比見管勾太平觀劉朝奉見嫌太盛敎以一食之

汰自用有效因以告子由且進先者後欲之說蒙
示長篇竊服高致謹再用元韻和寄

廬山九江南勝隱類王屋中有劉先生逃榮棄朱轂我嘗
問持養次第蒙攝伏操心要常存尤戒忌追逐教人啖火
柔喻世指風燭一從屏晚膳已覺失頤肉諒能早如此蓋
自有餘粟寢甘無復夢行健不須竹萃地涌清波漱飲每
充足當使百靈朝如聞九蟲哭欲塵亦遂埽由味方有觸

平仲清江集鈔

十二

甘肥自煎熬其毒甚回祿願公亦淡薄同享秀眉福丈夫
貴決烈安得猶碌碌淘沙始見金推石方逢玉所以老氏
言爲腹不爲目未能便仙太輕舉隨白鶴且保臨老年眼
明腰不曲

常甫招客望海亭

蓬萊釀酒酒已成賀家池上新採菱紫衣侍立烏帽走吾
兄招客望海亭歸來爲我道客語

醉中

遙指北山下云此白處乃海浦入山迤邐數百山客居乃
在一山顛雖非陽侯所窟宅風濤湧洞已拍天餘山亦有
人雜居山無桑麻只捕魚海中百怪所會聚海馬海人并
海驢或如七十之老翁或如三尺之侏儒手足口眼莫不
見鞭磔盡作人號呼千艘競造石首脯雨聲颯颯魚來初

截波一網千萬尾棹歌喜噪翻蓬壺垂鉤忽挂綠鸚鵡探
石仍得真珊瑚晚晴蜃結綵霞閣夜黑龍呈明月珠紅漣
紫液碧激灑頃刻變態世所無我聞此景若在眼便欲駕
舶尋天吳昔時管寧亦避地吾祖嘆息息乘桴我今何爲
不可往誰能俛首甘區區平時此亭景最美自謂清曠更
無比一聞客語心坐馳却上望海汗潢耳嗟哉好惡隨所
遷世間萬事多如此

官松

我行九江南曠野圍空山道傍何所有高松立巒岼藏標
隱雲霧秀氣凌岡巒橫鶩却與走怪狀千萬端中有清風
發能令朱夏寒流金五六月方苦行路難騎者欲顛沛負
者面如丹氣息幾斷絕至此方少寬消渴飲甘露潤轍投

平仲清江集鈔

十三

長瀾迺知古人意爲惠無窮年亦有被剪伐行列頗不完
豈非風雷變或者盜賊繁土人對我歎云有縣長官爲政
猛于虎下令如走丸取此爲宮室將以資晏歡良工操斧
斤睥睨長林間擇其最高大餘者棄不觀千夫擁一柱九
年力回旋至今空根悲泣淚尚未乾彼令誠何心緩急迷
後先毫末至合抱忍以頃刻殘萬衆所庇賴易爲一身安
居上恬莫問在下畏不言世事類若斯嗚呼一摧肝

越州飛來山

物之體性重惟有石最堅廻風捲黃沙直下萬丈淵如何
崔嵬山乃解飛青天瑯琊趨會稽道理固甚懸想當初來
時詭異可得言豈非巨靈擘或謂秦帝鞭雷公挾電母鄰
霍相後先夸蛾負崖脚天丁撒其顛北斗借神兵虎豹下

九關海玉驅魚送百里聞腥羶悲號與憊喘灑汗成流川
呼雲以自蔽日月不得宣棲鳥失其巢哀哀啼白猿草木
困擺撼枝葉半不全置之秦望陰百怪散 煙有龍走不
轍化爲錦色鰻攢身入竅穴噴出清冷泉都人駭相報平
地見巍然既來亦能去惟恐復騰騫浮屠鎮其上副以屋
蟬聯朝吟諸佛經暮講西方禪以此相繫縛孤幾千年
我聞已有日今朝始攀緣高堂置美酒遠目凌孤莠老僧
爲我說指畫當我前是否難致詰且進黃金船

秋夜舟中

昨夜強風萬弩過舟中側聽披衣坐秋來已覺陰氣繁晨
興更見波濤大衰梧弱柳不足數脩篁摧折幾百箇飛廉
鬱然方用事一威能令萬物挫人言風怒未渠央我觀暴
忽勢不長會見平川淨如鏡刀魚鳴榜過錢塘

平仲清江集鈔

十四

和常父望吳亭

淡灣謂無風試向江頭望混混過新潮峩峩起層浪前驥
復後踊極力不相讓踣落皆有聲擺觸頗用壯游龍出鬣
鬣怒馬軒頸項紛綸白雪外叠太不知向勢將銀漢接高
與海門抗吳城挂水墨越估增怙悵我欲絕橫流忠信固
可仗丈夫七尺軀魚腹豈易葬紉懷馮河戒艤棹未敢忘
夜夢大樽浮東行視溟漲入宮謁陽侯舉袂揖伍相問其
孰呼吸乃使此倔強謝云天所爲茲語吾恐妄却欲詰蒼
蒼無梯不能上

遊六和寺

同尋六和寺空旁蒼崖行崢嶸石林氣瀲灩流水鳴見此

俗慮滅入門心更清盤空到窈窕小憇山前亭天晴脩竹
外颯有風雨聲僧云金魚池近日秋雨足餘波落清壁散
作雪色瀑徐興視其流登高穿屈曲忽逢白練飛碎點濺
珠玉清冷振毛髮蕭灑盪心腹金魚在何處演漾戲平淥
鱗鬣老愈黃點漆作雙目憶爲兒童時嘗劇此池旁聞人
說金魚已謂百歲強今踰二十季僧死草木荒此魚尚無
恙纖質不改常謂魚非靈物安得擅久長四海波浪高三
江網羅密長鯨裘明珠幽暗無白日我疑龍變化就此溪
中逸紛綸乾坤爭浩蕩風霆出何如守一泓無得亦無失

戲張子厚

子厚誇善茗益我以五黑其初示之羸良久出半策波衝
與席卷揉攘見敗北我師如玄雲汗漫滿八極子厚若殘
雪點點無幾白是時秋風高萬里鷹隼擊鷓鴣伏淡枝顧
視頗喪魄勒銘亭碑陰所以誌茗客

泛漣水

漣漪二十里清溪得我性微風不復搖天水相與淨秋容
入崖柳晚色依漁艇髣髴會稽遊南湖似明鏡

日出

仲冬十一月我行赴高密路由東海上晨起駭初日騰騰
若車輪只向平地出較於昔所見得此十之七蟾蜍尚弄
影岐岐橫參畢輝光一逆散夜氣埽若失扶桑想可到俗
慮苦難訖壯觀曾未厭惻歎流景疾

早行

此篇文鑑所載解經文詩據孔氏遺稿乃嚴父
作遺稿嚴父親筆當以爲是
客輿謂已旦出視見落日瘦馬入荒坡霜花重如雪海風

吹萬里兩耳凍幾脫歲晏已苦寒近北尤凜冽况當清曉
行遡此原野澗笠飛帶繞頸指強不能結農家煙火微炙
手粗可熟豈能迂我雷而就苟且活仰頭視四字夜氣跡
漸豁苦心待正晝白日想不闕

夢錫惠墨答以蜀茶

墨者白黑黑者墨之宜所以陳玄號聞之于退之近世
工頗拙所巧惟見欺摹成古鼎篆圓作革靴皮揮毫見慘
淡色比突中煉誰最高佳品鄭君真好奇贈我以所貴有
不讓金犀堅如雷公石端若大禹圭研磨出澹黝落紙光
陸離較之囊中舊相忝乃雲泥辱君此賜固已厚何以報
之乏瓊玖不如投君以耆好君性耆茶人罕有建谿龍鳳
想厭多越上槍旗不禁久我收蜀茗亦可飲得我峨眉高
太守人情或以少爲珍心若喜之當適口更憐此物來處
遠三峽驚波如電卷江湖重覆千萬里淮海浩蕩漣漪淺
舍舟登陸尚相隨今以答君非不腆開緘碾發試一嘗尤
稱君家銅葉盞

夜聚楊節之秘校驛廚

雲亂海天低風吹馬耳破黃昏訪主人同向幽齋坐談資
綠酒長歡敵紅裙坐倒載夜淡歸雪花如掌大

止謁宣聖廟者

高密古名城其地近闕里絃歌聲相聞往往重夫子學宮
雖荒涼廟貌頗嚴偉上元施燈燭下俗奠醪醴高焚百和
香競爇黃金紙所求乃福祥此事最鄙俚朝廷謹庠序五
路茲焉始建宮以主之不肯實當此澆敝皆掃除安可循

舊軌丁寧戒關人來者悉禁止嘗聞諸魯論丘之禱久矣
生也既無求沒豈享淫祀夜亭甚清虛古栢自風起悅之
以其道吾祖當亦喜

讀莊子

損此以銷銖益我以千金豈足爲輕重徒能勞爾心覆彼
以狐貉蒙此以絺綌豈足爲厚薄徒能損卿德南山有鷲
鳥睥睨天地秋有意橫八極固非守一丘老鴟嚇腐鼠安
可施于此鷓雛尚不屑况非鷓雛比

夢錫楊節之孫昌齡見過小飲

夢錫更時事依然君子儒節之瓊樹枝秀氣發扶疎昌齡
出相家謙謹乃繩樞三人于交游得一固有餘日暮俱訪
我止駕共躊躇四天忽陰沉風聲若江湖寒色尚可畏促

平仲清江集鈔

十七

滕同附爐高密酒雖貴爲君開一壺拳栗自東越殷樞從
上都羹烹歷山葷膾斫注溝魚鮮蛤實海錯肥羊非市屠
後食淮南蓐此皆比所無主人不敢愛且以爲賓娛夢錫
飲中豪節之亦其徒昌齡稍姦黠我勸勢頗麓左手扼其
肩右手進觥孟勉強爲我盡淋漓滿衣裾醉坐各忘公蓬
燭已見跼幽談入鬼怪巧諛相厭飲勿言輕此樂此樂勝
笙竽明朝酒醒後相對禮如初

收家書

早承會稽信晚接清江使兩地千里餘尺書同日至既知
骨肉安復得鄰里事丁寧問兒女委瑣及奴婢開包視封
題親故各有寄牛狸與黃雀路遠不易致東人罕曾識專
享無所遺豈徒抵萬金鼓腹快異味

春天

春天酣酣睡最美日轉花陰猶未起須臾夢覺聞風聲波濤翻空千萬里出門四望氣慘淡寒色射人如潑水旋見大雪落交加向晚綏綏尚不止遊絲柳絮復何有百鳥卷舌愁欲死陰陽變化固有漸乃何暴忽有如此清江野客心傷悲寂寞無言對桃李

觀舞

宴館簇金絲繡茵呈舞旋雲鬟應節低蓮步隨歌轉勢多體不犯妙絕乃習貫含笑有餘情小揖更微矜

城南

密州三月猶有寒地平更在大海上昨朝雨止氣已晴今日繁陰北風壯城南颺水傍城流幾處垂楊繫小舟傳聞寂寂無車馬紅杏天桃各自稠

平仲清江集鈔

十八

送夢錫往齊州

望君之行車旣遠目亦收惟有隨君心千里不能休我兄在歷城相別歲已周音問月三四東西交置郵豈如一相見君今涉其州爲我道亡恙淡言致綢繆先馳魂夢往迎子鵲山頭

晚出

空城鳥欲棲漸夕收寒暑槐葉綠生風椿花落如雨出門何所適有口不敢語披豁向青天望銷雲一縷

常父寄半夏

齊州多半夏採自鵲山陽纍纍圓且白千里遠寄將新婦初解包諸子喜若狂皆云已法製無滑可以嘗大兒強占

據端坐斥四旁次女出其腋一攫已半亡小女作蠻行乳
媪代與攘分頭各咀嚼方愛有所忘須臾被辛螫棄餘不
復藏競以手捫舌啼噪滿中堂父至笑且驚亟使啖以薑
中宵方稍定久此燈燭光大鈞播萬物不擇處與良虎掌
出徒谷鳶頭蔽高岡春草善殺魚野葛挽人腸各以類自
蕃敢問孰主張水玉名雖佳神農錄之方其外則皎潔其
中慕堅剛奈何蘊毒性入口有所傷老兄好服食似此亦
可防急難我輩事感惕成此章

惜別爲從道作

嘗聞直諒冠三友自古才難非特今今世脅肩事諂笑君
獨苦口工規箴我常從之求過失箕踞慢罵猶甘心其言
未必俱中理披沙往往逢黃金今將去矣誰復嗣已覺別
恨凌秋陰胷中抖擻玄一盡畱作更允相思淡

平仲清江集鈔

十九

送從道

去季風雲攪天暗君馬區區之海涯今季苦寒又訪別正
是去季行役時信陽雖遠重來得小桃常探春消息如今
官滿去不返又見花開誰記憶乾坤浩蕩歸無鄉歲月崢
嶸老相逼一官奔走隨所使後期會合知南北篇詩惜別
人少和須知此別真可惜黃茸半醉舌若蜚它日樽前無
此客

出城

駐馬河之西送車皆已返郊原人漸少風物秋將晚身如
獨鳥輕意與青山遠

迷途

吹燈治行裝戴月卽前路溪村苦多歧乃使行者悞東西
皆可往曲折何所遇泥中虎鬪跡草木新封墓陰雲忽以
興四顧增恐懼及今亦難咎初失在跬步林木杳崢嶸丘
原莽回互雖聞叱牛聲欲問不知處

遇雨

客行日暮飢且渴况值漫山雨未絕蜀黍林中氣慘淡黃
牛岡頭路曲折狂風亂掣紙傘飛瘦馬屢拜油裳裂記得
默齋端坐時唯愛霏霏洗煩熱

呈夢錫

妻孥能相期每出必遽還如其歸稍晚必謁鄭推官

又

與君來往半歲餘三日不見已爲疎入門褫帶不相揖下

平仲清江集鈔

二十

馬且復休僕夫形骸禮數不足問但論肝鬲之如何昨朝
萬事俱撥置與子齋中同負爐去時苦寒風冒雪歸路清
輝踏霜月但取樽前笑語歡豈知門外陰晴別

韓大夫城

大夫今安在唯有廢城存流水抱沙曲依依楊柳村居者
五六家荆榛滾閉門青青麥壠直藹藹桑枝繁牛羊任所
適僮稚更不喧啼鳥靜逾遠落花風自翻昔稱老農賤吾
意楚人尊謀身莽無定太息視乾坤

青州作

京東地平夷自古四戰國九州此居三山海在封域北趨
京洛近南卷江淮直富饒足魚鹽飽煖徧牟麥英雄欲飛
騰假此爲羽翼隆準慶秦亡金墓伺唐隙方今不憂此所

重只西北兵防最寡少主帥失銓擇蒿萊蔽城隍繡澗滿
戈戟慢爲盜之資忽者禍所植吾視士大夫夫赳赳半雄特
歌謠尚慷慨澗達本多匿腹心宜先安豫備乃長策衆功
領太平我乃虞盜賊雖言亦誰聽痛哭損肝膈

又寄夢錫

自君卧漳濱我意恍若疾無人與笑言兀兀守一室當寢
或不寢當食或不食有息氣填膺可駭幾戰栗想君端在
家比我乃安逸妻孥以嬉簿領久閑筆南城趨北城道
路無所隔我豈無僕馬子不見賓客哦亭足清風林木助
蕭瑟葵花無數開蓮葉亦已出起來定何時幸會能幾日
已今翳白醪待子歡促膝

寄王達夫高密令

平仲清江集鈔

二十一

高城已吹角月暗星河落與子語不休青燈同寂寞平明
車馬公忽忽一飯相邀不得同交情世契兩踏厚東望白
雲千萬重

晚集城樓

高樓百尺脩木尾面對南山翠相倚凭欄談笑青雲裏秋
標摩空日色死海風蕭蕭東萬里吹襟洗鬢清如水下視
黃埃濁波起車馬紛紜只螻蟻

陰山七騎

青氈作帽黑藥靴進退颯颯生風沙歌舞
何爲乃至此象之人假爲之朱顏的皜秀兩眉手操
弓矢仰視天如見飛雁馳平川主稱此樂直萬錢坐客競
飲黃金船世人見識無百年追歡取快貴目前當時披髮

祭于野自非幸有誰知者

君住

君住水西我水東東岸波生西岸風哀哉中截錦繡段上
襦下裳各一半小星隆隆怒且鳴前驅貪狼後攙搶何如
盡遣收芒角推放當天皓月行

雞冠

我初種雞冠其小乃毫芒曾未得幾時忽已過我長根株
旣狼大枝葉亦開張吐花凌朝曦生意殊未央陰風自西
來慘淡驅清霜一夜忽變故葉萎花已黃當此繁盛時爲
爾償壺觴及今乃腐草好玩安可常呼童盡剪拔昔恐踐
踏傷庭除稍曠濶耳目加清涼竹枝久蒙蔽迥立獨蒼蒼

月三章

平仲清江集鈔

二十二

夜如何其月在隅問行何爲乃躊躇海波壓輪不得驅中
庭有客心不樂欲挽玉兔鞭蟾蜍

夜如何其月正美起視萬物如明水山魃避人鬼火死中
庭有客立不移何暇眼力看箕尾

夜如何其月落愁光輝奄奄星益稠白雲擁漢波不流中
庭有客心不樂放志萬里誰能收

代小子廣孫寄翁翁

爹爹來密州再歲得兩子牙兒秀且厚鄭鄭已生齒翁翁
尚未見旣見想歡喜廣孫讀書多寫字輒兩紙三三足精
神大安能步履翁翁雖舊識伎倆非昔比何時得團聚盡
使羅拜跪婆婆到輦下翁翁在省裏大婆八十五寢膳近
何似爹爹與妳妳無日不息爾每到時節佳或對飲食美

一一俱上心歸期常屈指昨日又開爐連天北風起飲闌却蕭條舉目數千里

詠無核紅柿

林中有丹果壓枝一何稠爲柿已軟美嗟爾骨亦柔風霜變顏色雨露如膏油大哉造化心于爾何綢繆荆筐載趨市價賤良易求剖心無所有入口頗相投爲栗外屈強老者所不收爲棗中亦剛餉兒戟其喉衆言咀嚼快惟爾無所憂排羅置前列圓熟當高秋且以悅一時長久豈暇謀咄哉潰爛速棄擲將誰尤

然早寄從道

憶初撫掌笑嘗謂子猿猱斑然武而文譏罵舌若刀髭黃喉骨結肉皺見秋毫論官則甚微意氣一何高今思乃歸

平仲清江集鈔

二十三

鳳百才未易遭子行白日靜回首常蕭騷聞子在定州溪山坐披毛何如東海上萬壑觀波濤不見歲再晚北風方怒嗥圍爐奏美酒思子持蟹螯

食桃

剪彼十圍木架此百尺梁十圍不加大百尺不加長胡爲被錦繡空爾飾文章根斷膚已剝至朽不復昌一作榮食桃棄其核下與糞壤蔽一作雨露之所濡發生乃微苦回首枝榦大冉冉出我墻開花又結子意態何煌煌

日月

月行一何速暫上青山還復落衆星厥弛不肯休參橫畢直爭頭角日行比月更疾馳一日一夜遠天闔光輝所燭萬里同墻邊炙背快老翁

孤鴈

空城夜已寂一鴈度雲端汀洲亦可止何不怯霜寒豈非
防暗禍驚矯夫自安孤音訴明月天高路漫漫以鷄置懷
袖比汝乏羽翰蒙恩傍溫暖豈念宵征難

食梨

東方早寒雪霜摯新梨十月已滿市削成黃蠟圓且長味
甘骨冷體有香芳尊命友先衆果百十磊柯升君堂贈君
玉壺曾冰之皎潔副以金莖皓露之清涼奈何撥火取煨
栗梨雖至美或不嘗輦着三隰手摩腹謂此發病爲第一
奪之兒口錫止哭君不記南方無此物五更酒渴喚水時
息此千里莫致之及今乃以多見賤南方獮柿東方梨

十月二十一日夜

平仲清江集鈔

二十四

統統有如打兩鼓星河漫漫參在戶百鳥已棲入不行西
南洶洶有異聲有若鬼神移山嶽又如戰敗百萬兵出門
望見乃火起椽落瓦裂咫尺鳴問之相去一里間紅光爍
爍侵天明長煙涌波月魄死其間有物如撒星是時久旱
水泉竭高屋一燎如毛翎小兒但知聚看笑不知擾擾人
縱橫皇皇奔走最可念耿耿不寢心飛驚明朝出視火起
處焦木頽垣不知數白頭老姥啼向天歎息之聲滿行路

會食

學宮不置酒相聚惟一飯公家事何多客至日已晚乘飢
騁大嚼美惡寧復揀僕夫無所餘顧我色不滿潑茶旋煎
湯就火自烘盞從容共談譁孰視笑而脫昌齡豈其溫策

馬獨先返

集于昌齡之舍

初筵悄無語良久歡意發就爐自溫盃覺此飲量濶既觀舞袖垂又聽歌聲闕醉心紛紜醉眼成恍惚勿輕栢直狗所負尚可悅當年入績事今日逼華髮愈令坐客心感歎惜時節夜長更恐曉起挽青天月

兄長舟次會稽以十月九日發書清江親故以此日遣使仍以十一月十二日同到去歲會稽書清江入亦同日到嘗有詩記其事

清江在何處限以龍王大孤磅礴之險阻鄱陽彭蠡淮海之波濤會稽在何處錢塘江邊風浪惡金山寺下龍巖驕大冬雪霜道路塞飢年往往多盜賊如何兩處發書日月同至此亦不差頃刻開緘讀訖更反復兩處久不通消息

平仲清江集鈔

二十五

丁寧勞問若相見滿堂歡喜動顏色枝間鶯噪今幾日摠報平安豈非吉年年歲晏享異珠牛狸黃雀并金橘從容進僕問鄉閭歸心倏起成蕭瑟

舟行却回

清晨移舟出沙觜宿氛卷盡天如洗日高五丈行十里白雲之中黑雲起回舟急趨舊泊處四山沉沉日色死逆風颯颯初尚微浪頭已高白參差又聞西南崩崖陷谷有異聲大風橫擊波如陵操舟之子雖習貫掣柁才開又投岸有如磁石引針忒時時颭撲愁中斷長篙勁橈不易勝僅得入口如再生迴望後舟出樹沒使人淚落肝膽驚昨日廟中奠旨酒巫語甚吉詩行奈何中路輒反覆欺誕何者為神明豈非風者天賦必欲逆知非汝能浪傳消息

得醉飽萬一猶足爲威靈

觀暴

怒雷殷殿西南天黑氣一抹如長煙鯨噓鼉噫蛟吐涎龍

呼其儔相後先散爲飛雲蓋蜿蜒以尾卷海灑百川河泊

乃在坎底眠震驚掉動憂不全白浪湧起高于船岡馳隰

舞山回旋崩衝擺落蔚高騫聲烈烈孰使然須臾寂靜

又改前餘氛倚漢猶青玄小鰕奮頭如自賢神龍歸宮魚

山泉

太平

長江卷波作沙色中有數頃如潑墨是爲望夫之高山沉

沉影落江心黑操篙下探不見底側行牽挽難爲力疾風

爲我西北來打鼓張帆何快哉百夫呼噪絕水府心膽壯

太平仲清江集鈔

二十六

敵山崔嵬須臾已入大信口回聽怒浪聲如雷姑孰堂前

溪水清扁舟夜泊已三更微微雨過有秋意漠漠雲開對

月明

觀牛渡江

荷囊而騎彼牧童驅牛亂流江水中徐行不復用鞭筆母

當其前犢後從濁波云云出頭角見者往往疑蛟龍牛身

千鈞水不測步步乃與丘陵同天機自然有所解物理如

此誰能窮君不見軋犖山復垂至膝一馬不能載其躬帝

前每作旋舞翩翩頸捷如旋風

太平

溪行曲入四五里乃見州城大如斗人煙疎少白日靜風

物澄明新雨後古來豪俊多在此悵望千秋一回首謝家

青山空自高李白扁舟復何有

于將軍

長安遣兵百勝強意氣何有漢中王七軍之心俱猛鷲虎
兕插翼將翔翔睥睨荆益可席卷白帝城高如堵墻秣馬
蓐食朝欲戰雷聲殷殷山之陽沉陰苦雨十餘日漢水溢
出高騰驤蒼黃不暇治步伍攀緣蹙踏半死傷計窮豈不
欲奔走四望如海皆茫茫鼉鳴魚躍尚恐懼萬一敵至誰
敢當遙觀大船載旗鼓聞說乃是關雲長蒙衝直繞長堤
下勁弩強弓無敵者雖有鐵騎何所施排空白浪如奔馬
將軍拱手就繫縛咋舌無聲面淡赭捷書一日到錦城隻
輪不返皆西行將軍曠昔負朋友若此昌豨猶得生循環
報復雖天意壯士所惜惟功名曹瞞相知三十年臨危不
及龐明賢歸來頭白已顛額泣涕頓首尤可憐高陵畫像
何詭譎乃令慚痛入九泉清水之師勇冠世英雄成敗皆
偶然

紫髯將軍

華容女子哭幽囚吉利如虎入荊州縛其孤雛斂貔貅長
驅水步八十萬欲獵于吳吳主憂羣臣勸迎同一說拔刀
斫案心膽裂揆彼之量豈我容開門納狼計何拙魯家狂
兒策最長倡而和者有周郎區區黃蓋乃乞降龍幡遮火
燒赤壁東南風急天絳色江中戰舸岸上營煙焰飛騰半
焚溺雷鼓大進聲滿川輕銳迫遂皆崩奔紫髯將軍更歡
喜曹公墜翅不得騫子布元表何齷齪成敗之決在一言
君不見甘露寶鼎間典午受禪吳猶存青蓋入洛雖可惜

猶勝俛首臣老賊

武宗

武宗惟雄俊有臣委用專德裕才略大感恩罄所宣是時巖廊上六合氣可吞論兵決勝負萬里在目前一平回鶻免再洗上黨昏楊弁不知時迺敢盜大原豈信明光甲遣人斬其元廷謀昧知幾唯有君相然成立三大功慷慨在言風霆運不測日月朗高懸李唐勢已去至此岌復纏外內已息兵崇卑定乾坤遂令河北師彌耳如孤豚事書史冊上讀之快心魂千載若信宿凜凜風烈存世人多說劍不見斫伐痕玩弄及自傷何用飾璵璠迂哉賈生餌果爾房琯奔施爲貴實效詎止衛空文

奉天行

平仲清江集鈔

二十八

蒼蒼行露出苑門孤城偪仄不可存賊兵之來若風雨頃刻城下皆雲屯紛紛矢石蔽空黑天子垂泣對將軍將軍提筆書滿背城中白丁久奪氣草車之焚雖已矣雲橋百尺虹霓起下瞰城中笑飲酒乾陵赭袍擁朱紫胡方大將來赴急彷徨中路不敢入豺狼合從堪慟哭翠華崎嶇又巡蜀聖神文武何至此堂上有人面如鬼

天門山

惟天莽蒼蒼乃立此門闕山本如城一割鑿中斷裂兩峰競秀倚千古勢相愛夫大江方來逼束不得洩瀦爲無底溪散作萬頃濶想當割據時閉固孰敢發夕陽坐荒亭詩息墓峭拔清晨放舟出回首見呀豁西涼尚局促壯觀心頗闕安得呼化工努力更一堰

靈壁東

明珠大貝玉玲瓏美人營營出淡宮清墟一盼失英雄羽
觴行酒樂未終 陵殺氣迴飛鴻投杯擲筋自挽弓麾兵
大戰靈壁東血流爭波入海紅何爲羈孤鐵馬中搗沙折
木天北風突圍而出追失蹤四五卒間蛇作龍

遊子吟

遠遊如飛蓬漂泊天之涯不及百川樓繫在垂楊堤琉璃
爲鍾玉爲竿繁絃促管花陰下青春此樂輪幾人客身皇
皇一羸馬

汴堤行

長堤杳杳如絲直隱以金椎密無迹當年何人種綠榆千
里分陰送行客波間交語船上馬頭一別人南北日輪
西入鳥不飛從古舟車無斷時

平仲清江集鈔

二十九

書驛舍壁

巍巍使館開華堂行人舊題詩滿堂去年讀之多好語今
歲重尋在何處驛吏却忘官長來聖以赤白漫青灰銀鈎
錯落應手沒當時嘲謔誰爲才嗚呼萬事祇如此古人豪
強安在哉寄語征途往還客不如揮 落金石金石雖堅
有時滅君不聞海波成田淮水絕

蝴蝶行

蝴蝶飛渡河來河北花已落河南花正開盈盈採花女撲
打還家太推身飛入粉奩中芳草綿綿舊時路

枯柳

嵌枯路傍柳種插從何年枯條不可見人立何歸然輕脆

豈耐久心腹俱空穿上無一鳥巢下繫萬里船想見方濃
時飛花舞青天行人多攀折慘淡駐征鞭今也傲突兀東
西過誰憐陋質非焦桐難試朱絲絃英華餘歲許白蟻爭
回旋雷公飛火試一照淡處恐有垂龍眠

車班班

車班班入函關馬蕭蕭渡渭橋關下遊人不相識橋邊美
酒畱行客海濶天高雲滿空風吹日暮還南北

落花

嶺南冬淡花照灼比至春初花已落乘閒攜酒到西園鳥
散蜂歸春寂寞江南此際春如何紅杏海棠開正多歸期
不及春風日猶見池塘著綠荷

送客到江亭

平仲清江集鈔

三十

春江碧波渺天去兩岸紅桃落如雨主人到此送行人落
日畱連會歌舞渡頭楊柳正依依拂水搖風千萬絲看看
亦整東歸棹誰折長條贈我歸

寄鄒蹇叔

西園春淡百草長殘花紛紛綠葉光蜂歸蝶散情已薄獨
我遶樹行如狂亟今沽酒藉地飲卧喚落蕊傾金觴醉來
意氣頗脫略睥睨天地如毫芒狂歌大笑誰對值山猿谷
鳥啼斜陽却思高陽舊徒侶安得飛至坐我旁登城引望
不可見雲峰古木徒蒼蒼

南卒

坐食者南卒驕與子弟俱負甲則俯僂荷戈不能趨嘈然
金鼓鳴氣駭失所圖固無一枝良徒有七尺軀吾聞孫子

教弱女成武夫吾欲練汝輩使之虓虎如奈何天子詔苦
禁蓄兵書軍旅非素習壯士心脚踟羣蠻屢騷動主將復
佐除有急何以報思之可驚吁

春日行

鶯啼花笑清明天黃金買酒斗十千良時恣意一酩酊醉
倒扶起南堂眠須臾更淺殘酒醒明月當窻風氣冷閒愁
萬緒從中來幾欲長號淚如綆

造王館公第馬上作

濯濯春容在柳稍野梅相壓吐香苞日邊明晦雲無定雨
後寒暄氣欲交抱蕊懸蟲猶帶繭銜枝飛鳥已營巢高懷
不愛三公府白水青山滿近郊

呈館公

平仲清江集鈔

三十一

礚溪莘野亦初閒去逐功名遂不還豈有太平辭將相却
來高卧對湖山冥心真出三千界注想長虛第一班踽踽
朱門舊時客冒寒衝雨到郊關

元子發龍圖以程公詠三園詩見示亦成一篇

名園有一已堪誇勝事三園屬一家杖策可游緣近宅得
春最久爲多花人居玉府真仙格地占錢塘最物華見說
江湖堂更好煙波情興浩無涯

和常父

平生苦厭家爲累今日應如痛定人羣婢喧譁寧復有孤
燈蕭灑自相親溫尋簡策評三豕點綴文章學受辛誰謂
丹楓會愁客溪秋清思滿江濱

題夏大初丈高居

入門已可愛庭戶覆清陰更有池臺邃相連花木深山川
供隱八風月伴抽簪七十鬚渾黑知公但養心

西軒

新作朱門向水開雖臨行路少塵埃久藏勝境因人發盡
放青山入坐來樹影轉簷基未散荷香飄枕夢初回晚年
事事皆疎懶賴得閒官養不才

夏晝

落花寧是穢啼鳥不爲喧野水從侵道青山任塞門吏身
閒似隱官舍靜於村開卷何嘗讀風來只自翻

種花口號

幽居裝景要多般帶雨移花便得看禁奈久長顏色好繞
堦更使種雞冠

平仲清江集鈔

三十二

蜀葵萱草陳根在金鳳雞冠著地栽併作暑天庭戶景淡
叢時見一花開

次韻王通叟

春生湘浦卽當還窮覽雲山得據鞍灑落文章終不俗從
容談笑尚能歡千金駿馬將辭主一曲琴遂掩棺世事
相因古如此誰知魯國累邯鄲

夏日甘寢

迴風動水葉細雨濕蛛絲心下無閒事人間有此時微涼
紗半卷幽夢角徐吹此興惟吾解兒曹莫使知

晚興

驟雨行荷葉嘈嘈如語言高齋正薄暮宴坐不知喧極靜
開心地新涼入鬢根交遊何用絕自罕到吾門

寄康林

北音融結本輕清欲學含糊想未能晚節絃歌應自笑終
朝簿領更相仍九江土壤多卑濕三伏雲氛正鬱蒸宴坐
知君無暑氣風標自敵玉壺水

送吳全甫中舍倅無爲

海沂歌舞待王祥喜得淮南一道堂軍號無爲已閒暇地
連秋浦更清涼進趨黽勉心應懶退食優游策最長我住
廬山欲招隱爲君先忝種松篁

霽夜

寂歷簾櫳淡夜明睡迴清夢戍墻鈴狂風送雨已何處淡
月籠雲猶未醒早有秋聲隨墮葉獨將涼意伴流螢明朝
準擬南軒望洗出廬山萬丈青

禾熟

百里西風禾黍香鳴泉落竇穀登場老牛粗了耕耘債
草坡頭卧夕陽

深夜

聞寂方深夜清涼別一天臨風但獨立愛月不成眠戍漏
傳聲小庭柯轉影圓露寒侵背側移榻近堂前

和朱君况卜居

吾身當老此園中世路崎嶇幾萬重且飽稻粱隨鴈鴛盡
將雲雨付蛟龍求閒有志終須得招隱何人肯見從且爲
莆田朱處士比鄰先種七株松

睡起

睡起西風掠鬢輕蕭然庭院晚寒生浮雲便作飛鴻意細

兩仍兼落葉聲物不求餘隨處足事如能省卽心清山林朝市皆相似何必崎嶇隱釣耕

送郎祖仁奉禮

碧落聲華蓋世高哀烏才業亦時豪靈淵自出駒千里丹穴今看鳳一毛方略從容能處事精神灑落見揮毫東行想足資清興江上秋風捲怒濤

次韻孫亭甫見寄

進多齟齬退爲安未省乘軒勝抱關半世青衫貧爲祿新秋明鏡老催顏紛紛江上風吹葉莫莫淮南雨暗山欲和佳篇寄相憶韻嚴詞峭不容攀

唐林夫累惠書字法絕精以詩補之

每承勞問意何窮尤喜眞行學頗工蕭散正如君子性顏

平仲清江集鈔

三十四

顏兼得古人風曾經廷誚毫端直自有家藏硯色紅雅稱玉堂詞翰手枉畱山邑簿書中

至城南別祖仁未歸約文之不至

送客柳亭晚倚欄秋雨酣風煙滿湖上景物似江南蕭灑憐神從容憶手談老來心易折離緒已難堪

對菊有懷郎祖仁

庭下金齡菊花開已十分多情能惠我對景獨思君秀色三秋好清香一室聞扁舟今夜雨何處宿江雲

寓興

薄寒初著袂衣裳日景中分不短長池館虛明開水石園林搖落受風霜黃花滿檻金齡秀白酒盈樽玉液香未老不須雲母粉且教絃篋奏清商

知郡大博臨宴公字詩以爲謝唐林夫在席

眷溪賢守已忘形肯屈旌旗到小亭坐有嘉賓仙骨秀門
無俗客慕山青薦樽施遣供蔬甲秉燭相隨看菊齡欲識
主人書館淡短檠燈火漆函經

至城東作

地形磅礴接巨壟曠野人煙乍有無棲畝稻梁方待穫識
家雞夫各隨呼農耕半嶺如僧衲牧跨羸牛似畫圖官守
投閒省墳宿滿林霜露涕霑濡

出郭二十里依山八九家茅岡風卷燒土井雨推沙凍蝶
依殘菊幽禽立卧槎路邊桃李木猶發小春花

西齋冬夕

平生疎野得江湖歲暮西齋擁一爐雨滴空塔如自語風
冷平仲清江集鈔 三十五

吹長木更相呼世間寵辱收甚局樓上光陰入酒壺近日
睡時全少夢攀緣狂想自知無

冬夕卽席作

燭滴 桃淚香蟠春蚓灰酒花隨煖聚酥蕊帶寒開自有
清歌送惟 畫角催隔簾疑曉色雪壓數枝梅

小菴初成奉酬元師

伐竹誅茅挂織蒲半規小榻一方爐不隨健鶴摩空去且
免窮猿失木呼自有琴書增道氣別開世界在仙壺幽人
欲到知何意若說真菴彼豈無

口占

東皇旌節下蓬壺一夕芳菲徧海隅紅破露花將引蝶
淡煙柳已藏烏異鄉旅食頻年久故國風光此日殊常是

登高牽望眼，醉吟今喜在江湖。

寄帝父

紅蓮綠水本優游，清絕東南七寶州。見說新書亦多事，每聞汾檄少歸休。少年共計駒千里，末路堪嗟貉一丘。正是江邊桃李月，雞鳴度曲寄離憂。

春晚遣興

紛紛柳絮入簾飛，正是酴醾花發時。斷送日長惟有睡，畱連春去可無詩。狂鞭迸筍偏當戶，綠葉成陰巧覆墀。百舌聲中，偷然鬢任風吹。

上巳飲于湖上

城南春已老，湖上雨初晴。草作忘憂綠，風爲解慍清。楊花輕欲下，菱葉細方生。酒影低雲木，歌聲伴畫鷁。賞心殘蕊在，幽曲小舟橫。却笑蘭亭會，吟詩半不成。

平仲清江集鈔

三十六

寄題蕭文照閣

虛明敞高閣，清淺對方塘。軒冕忘懷久，江湖寓興長。紅蕖開細雨，白鳥下殘陽。不挂人間事，逍遙自一鄉。

與張子明飲湖亭

小艇衝湖過，幽亭枕水虛。風來荷氣外，人在木陰餘。濕印新酒長，菱族貫魚遙。看鶴歸處，便是謫仙居。

初伏夜坐

露坐已侵夜，炎威猶未收。何言百蟲噪，無故一星流。苦渴須漿解，微涼以扇求。頰水是今日，堆玉想神州。

送馬朝請使廣西

海水揚波今合清，秋風千里使華行。言皆有道非徒發，事

若無心更不生談笑從容懷遠俗琴書蕭灑寄高情竹間
靜勝諸蠻服何必樓船十萬兵

八月十六日翫月

團團水鏡吐清輝今夜何如昨夜時只恐月光無好惡自
憐人意有盈虧風摩露洗非常潔地澗天高是處宜百尺
曹亨吾獨有更教玉遂倚欄吹

蘇子由寄題小菴詩用元韻和

官身粗應三錢府吏隱聊開一草菴擁砌幽篁從月映覆
簷喬木與天參畏入自比藏頭雉老世今同作蝻蠶豈獨
忘言兼閉息舌津晨漱不勝甘

冬晝作

霜陰收欲盡斑駁意初晴漸喜山將出只愁雲更生鳥窺

平仲清江集鈔

三十七

晡後屋雞唱午間城灰拆紅爐火微煎傍耳鳴

冬曉

城上猶吹角官廳已罷更粗疎知我性懶惰亦人情入被
巖霜冷橫窗半月明翻身更甘寢雞唱第三聲

四日郡集于景德寺

冷鐸殘香僧舍開斜風細雨坐中來使君豈是憎歌舞自

出

琴送酒杯

是日督
有妾善

使者錢公在焉著令禁樂公家
擊彈以娛賓

馬上口占

澗底泉初動山頭雪尚深凍條桑破眼燒地草抽心搖落
殊非昔芳菲想自今浮雲多意思已解作春陰

和經父寄張績

解縱梟鳩啄鳳皇天心似此亦難詳但知斬馬憑孤劍豈

爲推車避太行得者折腰猶下列失之垂翅合南翔不如
長揖塵埃去同老道遙物外鄉

半通官職萬人才卷蓄經綸未得翊鸞鳳託巢雖枳棘神
仙定籍已蓬萊但存漆室葵心在莫學荆山玉淚哀倚伏
萬端寧有定塞翁失馬尚歸來

和經父登黃鶴樓

複雷重沙望不窮坐收千里一樽中天邊江漢波濤潤地
下神仙窟宅通窻影偷來溢浦白簷光飛入沔城紅窰然
已盡登臨興雲閣章亭觀在東

選官圖口號

環合官圖展觀呼象子圓飛騰隨入赤推折在雙玄已貴
翻投裔將薨却上天須臾文換武俄頃後馳先錯雜賢愚
品偏頗造化權望移情欲脫患失膽俱懸慍色觀三已豪
心待九遷寧知卽罷局榮辱兩茫然

次韻和常父發越州

北堂相送出城西忍見臨分獨自歸日暮荒村一回首秋
風吹涕各霑衣水通鑑曲行將盡山似稽陰認却非薄宦
牽攀不得已此心何以報春暉

題清斯堂

河流與淮接于此一堂成水色已可愛主人更清魚潛
晚日靜柳落秋空明本自無塵土何須歌濯纓

送登州太守出城馬上作

匆匆送客出城闌霜意方高日漸曛青嶂倚空先有雪黃
沙匝地半和雲旌旗明滅隨車遠鼓角悲涼隔水聞正是

無繆一回首兩行白馬映紅裙

適值劉從道供奉往信陽鎮用前韻送之

君馬匆匆赴信陽雖云同郡似它方村沙卷盡黃昏日海水吹成半夜霜別恨不須青草色歸期當及小桃香閉官冷局遙相望兩覺迢迢歲月長

君約春中還城下

夢錫同遊賀園題詩云誰知清淡者冬月亦登臨

寒景崢嶸歲已淡誰知清淡亦登臨雨吹廢館苔添暈霜落空城樹減陰向曉旋畱題葉句隔年先有探花心相期紅藥濃開日一醉東風費萬金

新作書室夢錫示詩羨其清坐

新闢西垣小室城開編靜得古人情崢嶸老栢寒尤健窈窕幽窻雪更明我愧濫中居此地君能領蓋似平生篇詩

平仲清江集鈔

三十九

何必淡相羨淥水芙蓉豈不清

次韻和常父

卧龍當日醉吟身冷落天涯一旅人早夕息親增悵望嘯歌懷古更愁辛角吹海上千山月草入江南萬里春欲去尚畱心未决夢魂長在越溪濱

寄常父

繚繞龍山半府陰春來漂泊阻登臨蓬萊閣下花多少清曠亭前水淺深暮靄漫天迷望目東風絕海送歸心新詩亦有思家意應記當年共醉吟

登賀園高亭

東武名園數賀家更于高處望春華淡紅淺白知多少直到南山盡是花

晝眠呈夢錫

百忙之際一閒身更有高眠可詫君春入四支濃似酒風
吹孤夢亂如雲諸生弦誦何妨靜滿席圖書不廢勤向晚
欠伸徐出戶落花簾外自紛紛

兄長寄五詩依韻和寄詩各有所懷

憶昔西尋山下園芙蓉香裏醉頽然幽篁迸筍無餘地老
木交陰不計年徹幕旋迎秦望雨泥杯旁引鑑湖泉舊游
寂寞今誰到應有秋苔長綠錢

懷西園

昔同訪客到山陰馬上相隨不廢吟平視溪流綠煙遠回
看府宅白雲淅紛紛落塵陪高
艷艷浮蛆勸滿斟賓主
如今各分散詩成長詠作吳音

懷山陰館謂沈司封

蓬萊彼此一閒身把酒臨風送晚春城邑萬家供氣象湖

平仲清江集鈔

四十

山千里助精神溪林鳥語語連客野逕花香著莫人今日
天涯共悵悵歸心夜夜轉車輪

懷蓬萊閣

憶昔幽尋到井儀繁花落盡綠陰時雲迷步武多相失風
入襟懷只自知金斗倒垂交勸飲玉蟾分面各題詩淋浪
醉墨畱西壁好事于今刻作碑

懷井儀堂

昔尋小飲到王家早出歸時逼晚衙勝奕高亭弄紋局擲
芳淩徑採新茶竹邊雲過陰相得蓮外風來氣益嘉夜坐
西堂有餘興解醒更進一銀瓜

懷王家小隱莊莊有勝奕亭韻芳徑

六月五日

灑汗通宵已廢眠起來猶覺眼生煙黃埃滾滾人行地赤
氣騰騰日出天紈扇急揮風亦熱銀餅空掛井無泉狂心
于此息霜雪安得師文拓羽弦

西行

繚繞西行入亂山白雲深處據征鞍
薔花著雨相爭秀棗頰迎陽一半丹
鞅掌未能逃物役乾坤何處託身安
苦臺東響情無限那更秋風作暮寒

荆林館

古木森然滿驛庭繁陰凌亂月分明
千枝萬葉誰拘管攪作秋風一片聲

次韻和張道濟長老立秋後作

萬里悄然若有霜南山秋色兩蒼蒼
已經晚雨驅除熱更得西風斷送涼
瀚海入空雲弄白吳江波濶葉吹黃
知君昨夜書帷夢半在親庭半在鄉

君蘓人親仰泰

飲夢錫官舍出文君西子小小畫真

平仲清江集鈔

四十一

西子蘇小卓文君畫筆相傳窈窕真
雖有金珠并粉黛恨無笑語與精神
一樽美酒畱連客千載香魂著莫人
醉眼恍然迷不覺自慚心地尚埃塵

走筆

種竹禁當雪栽花準擬春詩書最閒局
寢食自由身澗外音題數齊州問訊頻
郵筒煩郡縣此外不干人觸目方多事
棲身獨此堂窗迎先得日簷送曉畱霜散
漫皆書帙逍遙或道裝墻東雖可隱林下
未能忘

折柳亭

楊柳已藏鴉高亭望物華平時常送客
此日自離家別酒杯何滿征途日欲斜
醉行三十里春息滿鬢花

里伏驛

去家一日已息家浩渺歸期未有涯滿眼春風最多恨無
言似笑小桃花

和常父見寄

濟南風物稱閒官兄弟偕游意益歡幽圃水聲從地涌畫
橋山色逼人寒別來夢想猶相接它處塵埃不足觀寂寞
東齋又經夏落花新葉共誰看

銀河詠

江湖有客卧孤城每見銀河眼亦明萬里長風吹不斷一
番微雨洗尤清星辰白石參差亂雲氣飛梁倏忽生織女
東西波浪隔夜寒天濶不勝情

學舍

簿領如焚處處忙日華偏向此中長吟餘林表孤雲改夢
平仲清江集鈔 四十二

覺牕間小雨涼珮玉上趨承斗極棹歌深入釣滄浪何如
瀟灑詩書局不在山林不廟堂

風雨有秋色率然成小詩呈道濟長官

學館人歸靜若山久陰海濕上衣冠酣酣雨意牽愁遠颯
颯秋聲吹夢寒竹筍解包堆屋角蓼花抽穗出墻端此時
最憶吳江上千頃煙波一釣竿

游田氏池亭

磅礴青山入望長古城東下見回塘雲陰更雜梧桐影野
氣仍連菡萏香久處塵埃息澆濯忽逢虛曠自清涼主人
華髮能談笑猶撫歸鞍恨夕陽

熙寧口號

日坐明堂講太平時聞溪詔下青冥數重遣使詢新沘四

面與師剪不庭

萬戶康寧五穀豐江淮相接至山東須知錫福由京邑天子新成太一宮

祇因落久紛紛砥礪廉隅自聖君能使普天無賄賂此風曠古未嘗聞

近聞寇盜理戈受輸金入太鑪百鍊剛刀斫西夏萬鈞強弩射

百姓命懸三尺恣千秋誰恤兩端情近聞崇尚刑名學陛下之心乃好生

新霜

皎皎寒月白清晨霜滿林萌芽至今日肅殺爾何心入水成冰暈迷天作雪陰自茲開火閣却坐小牕深

平仲清江集鈔

四十三

十月旦懷夢錫

太歲爐郡中起芙蓉幕下醉相邀今年兩事俱蕭索白日孤城轉寂寥綠節新茶烹下鳳浴嗟名畫展蒼鵬長篇蒿出依然在千里思君不可招

寄板橋卞進之主簿

以才牽挽自由身歲暮無家寄海濱擾擾滿前人一把紛紛趨事抱千鈞風掀駝鳥波聲壯雲倚蓬山雪意漸回首高城已搖落菊花羞逼小陽春

寄蕭虛中

平川摻袂屢星霜楚尾畿東各一鄉安得便風傳訊問只應明月共輝光茅齋夜出猶能記古觀秋吟最不忘近日詩成無和者思君才俊似青楊

有感時夢錫萼醫而息求免官

公歲城門坐徹晚前年火閣飯連宵當時已是嫌羈束今日那堪轉寂寥綠水紅蓮非舊客清風明月想同寮不知比我離高密誰向長亭砌柳條

陳宗聖縣丞往登州問有所幹以此託之

北望登州馬匹馳馳裘孤扇任風吹才聞使者方相委事屬公家不敢辭聚落蕭條宿山縣波濤浩蕩瞰天池煩君一上蓬萊閣歸說扶桑日出時

郡集

旋徹銀杯泛海螺故人相遇樂如何東西合作雙雙舞二拙分爲一之歌吹角共驚冬暑短添爐更覺晚寒多不須苦鍊登州語大抵東音唯與阿

平仲清江集鈔

四十四

寓目

倏此年華晚蕭然學館幽常閒心却悶極靜景多愁葉走堂階響雲依殿吻浮黃茅日西下戲犬在城頭

題老杜集

七月鷓鴣乃至此語言閤大復瑰奇直侔造物并包體不作諸家細碎詩吏部徒能歎光微翰林何敢望藩籬讀罷還看有餘味令人心服是吾師

集于昌齡之舍

一醉昏昏萬不知黃昏促席夜深歸明朝唯見家人說昨夜歸時雪滿衣

寄內

試說途中景方知別後心行人日暮少風雪亂山淡

郭公

狂渚潮初落平岡日又西蘆叢淺處泊惟有郭公啼

芙蓉堂

芙蓉堂下花如錦記得當年此泊舟今日重來皆蔓草水紅無數強排秋

弄水亭

弄水垂吾手圓波觸石堤夜深翻斗極秋霽把虹霓鳥泛閒相得煙生望稍迷問源思杖策人指白雲西

趙屯寺

崎嶇自牛徑蕭灑得僧房壞壁題名滿幽軒背日涼澗花時委地隣竹稍過墻歸路風猶緊垂楊作意狂

至盱眙作

平仲清江集鈔

四十五

郵亭繫馬日西斜却向盱眙望白沙春色淡中惟有柳暎風狂過已無花古人出處真難一語道窮通未可涯白水黃梁不須具呼奴挈榼取流霞

發青陽驛

悠悠驅馬汴河灣幾處郵亭略解鞍春盡榆錢堆狹路曉陰花雨作輕寒山川相背圖中畫日月雙移板上丸行役漸多身漸老詩題聊寄旅程難

入亳州界

羸羸襍被望都門路出符離日未曛清汴橫飛天上浪方塘穩鎖鏡中雲淮南風物多相似江上音書久不聞寄語此山姑待我莫因西去勒移文

榆錢

鏤雪裁綃箇箇圓日斜風定穩如穿憑誰細與東君說買
住青春費幾錢

廢廟

靈宇何年置荒臺漸欲平丹青多泯滅苔蘚太分明棟宇
非難復威靈想不行長林相蔽翳惟有暮鴉鳴

雍丘驛作

京塵漠漠稍侵衣秣馬雍丘未西驛舍蕭然無與語遠
墻閒覓故人題

寒叔以登亭有感示予因以答之

何處登臨可極觀危軒隱在碧雲端千年古樹少春態一
片江天帶暮寒人似神仙君自好心如鐵石我難干花紅
柳綠休多語且把詩書子細看

清夜

平仲清江集鈔

四十六

夜久景逾清行吟到小亭梨花帶明月銀漢淡疎星渡水
漁歌遠巡山鬼火青此時塵慮息豁若醉初醒

偶書

經歲畱南戍頻時思故邦青山又薄暮斜日滿西牕遣憤
詩千首迷愁酒百缸何緣幸免去歸棹破長江

哦亭

點陰花芽撥草根淡春終日在東園煙筠冉冉陰相亂燕
雀啾啾語自繁倚伏萬端寧有定是非一致亦何言誰能
伴我哦亭上爛熳同斟濁酒樽

韓維字持國開封雍丘人父億參知政事維受蔭入官
父沒閉門不仕歐陽修薦爲檢討知太常禮院出判涇
州英宗免喪除同修起居注侍邇英進知制誥知通進
銀臺引神宗初除龍圖閣直學士充羣牧使出知襄州
許州入爲學士承旨會其兄絳入相出知河陽知許州
提舉嵩山崇福宮召兼侍讀加大學士拜門下侍郎出
知汝州以太子少傅致仕轉少師紹聖中坐元祐黨安
置均州元符元年卒年八十二徽宗初追復舊官維同
時唱和者爲聖俞永叔其深遠不及聖俞溫潤不及永
叔然古淡疎暢故足爲兩家之鼓吹也餘醜絕句在集
中不足數而世盛稱之古今豈有定論哉

講武池和師厚

南陽集鈔

滄池擬溟渤莽漾豁厚地日吾神祖爲氣象固宜爾六合
昔未一教戰出精銳至尊降黃屋慘淡乘金氣凌波飛百
艘撇烈苦鶻翅揚旌萬旅譟伐鼓九淵沸其行速天旋其
止甚陰閉信乎王者師足以服睽異邇來承乎久地與兵
革廢秋風長蒲葦爛熳失洲沚惟見金明上結構銷繡綺
春遊駐天蹕萬國奉燕喜鏗鈞鼓鐘響雜還羽旄美豈惟
與民樂施及魚鳥細宏哉艱難業愉快速萬世

答蘇子美見寄

暮春游京洛適與夫子邁衣焦未及展挈酒且相就佳林
延涼颺廣厦蔭清晝浩然塵慮醒坐看天骨秀殷勤述平
昔感歎道艱疾談辭足端倪懷抱去蒙覆志願始云獲睽

攜遽然又君舟旣南馳我馬亦東走還譙寡儔侶孤學日以陋高風邈難親離抱曷其救得君別後詩滿紙字騰驟汪洋莫知極精密不可壽峻巖山岳停奔放江海漏伏讀書夜并文義僅通透有如享太牢繼以金石侑惟君抱雄才文字乃兼副要當被金甲獨立諸將右指揮神武師爲國縛狂寇獻俘天子庭功以鍾鼎鏤勉哉後其時此論講已舊

送趙員外之官憲州

仲扶岷峨秀弱歲儒其冠讀書觀前古飽見萬事端行已去畦町爲文鄙彫剜應舉二十載不免瓢與箒西游秦函國崆峒上巉峴却視開塞廣有如掌中丸攻守勢所利浩然入窺觀是歲羗事作賊兵犯鄜丹君懷濟時略忠憤激

南陽集鈔

二

肺肝上書伏兩觀音辭若琅玕臣策儻見用坐令氣殫天子壯其語且使位以官黃綬繫腰下不行不遑安炎天風塵多遠道車馬單餞觴不親酌曷致朋友懽今茲塞垣將所在麾旄攢孰能謀而毅孰能正以寬孰用賞不信孰爲刑不殘諒非專達任易以奇畫千庶幾成大功展子凌霄翰顧我頑鈍者託契歲屢寒贈言非所工當否聊一看

答王詹叔見寄

詹叔好古者卓立自旣冠有如騏驥兒一縱不可絆近聞治周易顛倒爻象象此書號精微義與天地貫吾知子之道不止今所歎新詩溢巾幅見寄警庸懦噴薄百丈泉峭絕萬仞岸感激氣爲振把握誦手屢盟陰風吹寒城歲暮雲物換丈夫及壯時功烈當照爛無爲但默默飽食大軀幹

爲報乏瓊玖君其取章斷

立春觀杖牛

清霜涼初曙高門肅無譁行樹迎初日微風轉高牙茲辰
亦何辰見此氣候嘉有司謹春事象牛告田家微和被廣
陌纓弁揚蕤葩伐鼓衆樂興刻刻綵杖加盛儀適云已觀
者何紛拏因思古聖人時做在不差禮實久已廢所重存
其華吾非魯觀賓胡爲亦咨嗟

魯恭太師廟

善政邈無跡其流在民心君看魯太師廟食猶至今豈如
文俗土朱墨坐浮沉趨管止目前不顧患害深去漢餘千
載此弊竟相尋我行道祠下感激爲悲吟不見田雉馴啼
鴟空滿林

晚步

南陽集鈔

三

愛此霽景佳捨舟步高岸夕陽照渡口急急水紋亂霜鴉
田間鳴沙鳥波上散登臨豈非美當軫別後嘆

舟中夜坐

晴霜落波底斗柄插堤外扁舟燈火明樽酒夜相對臨歡
意暫遣念離心已瘁篙師喜水拆理檝事晨邁

別後作

朔風吹驚鴻行列失後先蒼蒼雪壓船齒齒水着岸離馬
聲正悲別臉淚猶玄却望攜手處危檣映林見

送王氏兄弟

抱疾伏田里晨昏結煩憂如彼衣上垢歲久不可湫忽聞
車馬音來過吾廬幽相見一長慟悲風爲遲留張燈具餐

飯梯泗稍復收南堂夜相對油然破離愁雖無盈樽酒清
論代獻酬高篇瓌成誦輸寫殊不休娑娑雙鳳凰舞光彩
浮忽然變瑰怪風霆拔金蚪傾聽魄已悸何暇測其由君
家門閭大先世勤令猷晉公典冊文太尉廊廟謀子孫今
多才信矣陰德流還轅欲何語贈子詩聿脩

讀杜子美詩

寒燈熠熠宵漏長顛倒圖史形勞傷取觀杜詩盡累紙坐
覺神氣來洋洋高言大義經比重往往變化安能常壯哉
起我不眠寐滿座歎息喧中堂唐之詩人以百數羅列衆
制何煌煌太陽垂光燭萬物星宿安得舒其芒讀之踊躍
精膽張徑欲追躡忘愚狂徘徊攬筆不得下元氣混浩神
無方

南陽集鈔

四

覽梅聖俞詩編

夙昔誦佳句歧予慕高風何意憂艱餘邂逅此相逢君初
應府辟捧檄來自東引車窮簷下眷然顧微躬姿表穆以
秀純德信內充乃知文章作中與性情通煌煌新詩章垂
光照昏蒙啓櫝挹荆璞引筵撞景鐘高篇屢云闊遠思殊
未終譬如巧琴師哀彈發絲桐中有中淡意要以心志窮
顧惟昧者聽莫辨微與宮安得牙曠手提耳發其聰

西墅

城居不爲愜言適西陂岡雀巢野堂靜雞鳴春日長書棚
落幽蟲佛幔掩餘香釋子廬巖至清談殊未央

對雨思蘇子美

五月陰盛暑不效飛雲日夕起嵩少回風颯颯吹暮寒翠

竹黃蕉雨聲闌北軒孤坐默有念人生會合那可料昔與
子美比里間是月秋近足霖潦吾徒無事數相過日策疲
馬度深淖升君之堂伏君八果餌羅列亦稍稍開樽得酒
味已醉輔以諧謔聊可酌長歌激烈或孤起大論紛紜時
一譟颯然夜氣變淒栗連披短褐曳顛倒且欣主人同氣
類安問鄰家厭呼笑而今相望各千里踟促有如魚在罩
人生此樂不易得世事榮辱何足校行當結侶候春水一
訪洞庭湖上棹

和三哥入山

巢由沒已久風迹曠不嗣長嘯箕穎間悲風肅然至傳聞
龍山下茅屋架三四中有隱者棲讀書樂仁義飽觀人事
變深鈎易象秘耕田給衣食鄉里霑賑遺叻叻山鹿羣摩
撫馴不畏乃知至仁心足以通異類聲名自馳擊我心晏
無累寤寐想斯人安得同所致

從道損勇乞移山藥

弱歲抱衰病好讀神農經雜然衆藥品猶識性與形商餘
巖谷間厥產芝朮菁山家乘冬採氣烈味亦并常思負籠
往斲此地氣靈近聞山旁縣移本來公庭石泉尚含潤溪
風有餘清想想春叢敷燁燁揚華英駢羅良可佳疲爾宜
見矜安得畦畹餘種食羽翼生

答崔象之見謝之作

陰風吹沙走長衢方駕往過君之廬主人好事樂閉尚揖
我謂我非俗儒欣然開館掃塵榻語論清簡發不虛投冠
釋帶聊自放安用俗禮空囚拘分朋四座鬪巧奕聊以勝

負爲歡娛呼兒稍稍出珍玩瘦器礪礪承枯株持竿拂壁
似有重最後乃挂雙海圖云昔武皇恃威壯驅石塞海怪
可吁鞭笞鬼神各就事簸弄旗幟翻以舒魚龍驚逃波浪
惡左右出沒揚牙鬚但憐物類頗幽怪畫手安辨曹與吳
北軒却下步小徑竹深桂淨何縈紆我來方冬氣凜冽已
愛翠色侵衣裾卽看春風撼芽甲定見紅紫相欹扶乘閑
取醉更何適主人勿遽嫌喧呼

送孔先生還山

先生樂道者於世淡無欲高風自絕人正行不違俗竭來
城闕游不受塵事觸日久望林壑駕言反幽築家臨澗水
陽路轉春山曲東風吹百花紅紫滿巖谷蠶桑事未起農
里得徵逐社酒濁易求山蔬晴可斲幽尋月吐嶺高卧日

南陽集鈔

六

照屋應念塵中人胡爲自羈跼

送謝師直歸馬上作

送客西郭門適與佳賞遇雜花被原野南盡遠目注樸樸
亂朱紛濛濛疑白霧林下風正柔繁香不飛去日長人意
閑歸騎欵不遽陶然行且歌良愜靜者素却念陌上人春
愁紛似絮

新植西軒

誰謂我圃隘栽插向盈畝鑿軒西臨兌規地北占酉陽條
散繁柔怒甲擎故朽封培童僕勞窺看孩稚走雖非觀游
盛要是吾廬有壤疏人力薄開發定遲後所賴春風意與
物無薄厚居閑日蕭散對此自成偶問吾何所爲卦象觀
六九問誰之與處達者二三友爲生昧機利於事寡營取

但願花常好酌我樽中酒

鋤園

上天浩無私衆草同一榮青青十步間薰臭相雜并卉藥
數不多十百其品名蔓者善緣附結陰在高覺脩竹雖自
立已復困纏縈其餘叢與株蕪沒不自呈陰蟲穴其下日
夜百種鳴紛然亂耳眼我意初不平朝鋤忽以靜暮雨且
復生自念疲病者莫與地力爭盛衰固物理安用勞我形
孔先生以僊長老山水略錄見約同遊作詩答之

羣峰羅立青巉巖中有佛廟名香巖飛泉洶涌出峰後四
時激射喧蒼巖跳珠噴雪幾百丈下注坎險鍾爲三援蘿
頰瞰石底淨明鏡光溢青瑤雨淙流四走渠與竇左右吞
嚙何其饒緣源散討不知極但見洞穴爭嵌嵌攀藤直上

南陽集鈔

七

出雲背巖戶閉邃疑神緘仰窺陰洞看懸乳白龍垂鬚正
鬢鬢或疑如蓋覆宛宛或散如指長摻摻有臺高下且十
數如以勢位相臨監平舖老蘚柔可坐誰藉綠蜀遺不拈
北山之石何瑣碎形制一一如鐫鑿叩之清越諸谷應不
意此地間韶咸已霜桂樹垂凍壁未臘梅蘂輝晴嵐浮屠
曰僊好事者奄有勝跡窮搜探書之遠寄龍山下云此僅
止存都凡先生以本來示我謂我所好同甘鹹相期歷覽
在他歲事高意篤非子堪人生蕭散不易得常苦世累爲
羈銜吾徒幸當治平日况又無事於牽貪便須巾車不可
後願以八杖從君南

西園

西園日修整竹樹相綴屬春華雖未敷氣象鬱函蓄密雨

昏遠林輕寒秀修竹於此隱八坐物我同一日弟妹四五人時來問幽獨我云憂與樂在志所追逐無厭萬鍾慊有道一簞足置是不須議春醪滿樽綠

治圃

久雨地氣泄百草日以滋勃然翳我圃積弗可治遂令蕭艾質唐突蘭蕙姿鴻鵠不肯下跳蛙恃而嬉長林困纏繞蘿蔓鬱四垂青雲避蒙密白日爲蔽虧久與人跡絕陰有物怪窺涉秋月旣仲雍人事芟夷援斧一揮拂榛蕪爲之披俯憐蟻穴亂坐聽蟲響移濯濯行樹色涓涓佳菊枝涼風自西來衆葉光參差墻堵豁已去南亭見華棖却下走直道無復蛇虺疑維此時嘉朔飲射之所施
失前

南陽集鈔

八

茅薤其儀皇皇天子庭一旦羅尊卑表位肅以整衣冠紛陸離圃也不足道拔邪亦由斯作詩試永歌憤涕下交頤

游城南雙塔院

軻峨郭南門臺殿壓長路青林四面合飛鳥不得度房掩僧獨禪庭喧鷓鴣正嘯高蘿走蒼栢丹花下垂布中園饒佳果結子滿朝露久從城邑居樂與清境遇坐聽百禽響日晏不忍去微雨西北來颯爽動林莽歸鞅一回首孤剎屹當午終期濯涼風杖策縱高步

同陳太丞遊龍興寺經藏院

空堂洒寒水碧楸涼漠漠高眠得珍簟委弃巾與履薰風穆然來殿角鳴金鐸清香有時聞幽鳥無聲落論詩愛平淡語道造冲寞非吾方外友誰當共茲樂

和晏相公湖上遇雨

公堂日多暇薄暮遊清池孤雲從西來若與飛蓋期急雨
亂荷芰紅綠左右披沙禽帶濕起簇簇守前坻煙樹晦空
曲蟬聲寂無遺殘炎一洗濯霽景開林西禽飛還清波蟬
噪復故枝晚槿揚朱華秋草含碧滋篙舟出堤去微風滿
平猗卷幔極悵望正見隗與箕舉酒無塵情慨然起遐思
永懷古先訓默蹈通介宜乃知賢哲心所得非遊嬉

答曼叔見寄

日君同里間杖履數相過靡爲不吾吝有倡必君和春風
南陌遊炎月北窗卧貪從德義樂不覺歲月破而君宦遊
者動足落羈瑣襄城雖近邑去局有重坐子來誠獨難我
往義當果時天雨方霽綠樹垂穰穰策馬望城郭青山映
煙火解衣塵慮清垂箔月華墮怜君九品賤志尚勇不挫
乃云曹事簡經史日自課出詩且百篇語法就平安相別
不滿歲美譽亦已播顧慙糠粃姿幾不見揚簸投章匪云
報亦用警庸悞

答象之謝惠黃精之什

仙經著靈藥茲品上不刊服之歲月久衰羸反童顏巖居
有幽子乘時斲蒼山溪泉濯之潔秋陽暴而乾九蒸達晨
夜候火不敢安持之落城市誰復着眼看富貴異所嗜口
腹窮甘酸貧賤固不服錐刀乃其干坐使至靈物委棄同
草菅惟君冲曠士敦然守高閑食之易爲力天和中自完
故以此爲饋其容幾一簞報我三百言浩浩馳波瀾何以
論珍重如獲不死丹方當煩燠時把玩毛骨寒它年靈氣

成與子驂雙鸞

奉和象之夜飲之什

淫陰泄爲雨十日瀉不停蓬蒿長四壁濁潦流縱橫嗷嗷
鶴羣游閣閤蛙亂鳴端居積幽抱沈鬱久未平是時甫幾
望月魄嚮已盈浮雲失四顧孤輪午亭亭微風濯炎熱衣
巾凜餘清起我不暇懶超遙步前庭煩憂忽以去曠如出
幽囿顧謂汝妻子速具煎炮烹同里四五人予期得邀迎
隨時具蔬菓釘餽甘與青雖無水陸珍亦足侑盃觥所期
在乘輿豈問多品名諸君於我厚匪貌實以情從容談笑
間蕩不見府城有來必虛反觴至無留行豈惟清言勝或
以善謔并高風揖巢許曠論齊殤彭不知軒冕貴直以道
義榮置身豈非德撫事臨若驚上天作陰沴降水災吾氓
茫茫野郊外浩若翻滄溟垣廬隨波盡稼穡安有成所聞
此害廣郡國多所更吾君急病民定見寬稅征困廩無蓋
藏何以活鰥嫠我曾不是恤方以口腹營念始昔從學潛
心於六經頗知聖人道要在及蒼生胡爲取自足而不推
其虛頑然度歲月如鼂守坳泓中而復自息此其義所寧
聖朝盛搜拔列位羅羣英晨興朝國門冠蓋多於星呈材
必夔稷抗議皆顛闕雙鳧與乘鴈未足關重輕奈何不知
量欲以愚自呈退之亦有云其猶進稀苓不如且飲酒茲
事未易平

同曼叔遊高陽山

久聞高陽勝近在汝州側跋予三年望我願今卒獲煙雲
雨兩山臺殿開半壁解鞍高林下仰視怯登陟蒼松盤老

枝矯矯入簷隙微風韻其上落耳寒惻惻杞杞兩高樹中
國所未識葉間青實駢大與蜀土敵我來暮春後花草已
狼藉不見躑躅紅西巖向人碧出門步榛薈微逕不可索
援蘿下幽澗剝蘚題蒼石身啼無定音虎鬪有遺迹石臺
平挺挺野竹瘦歷歷主人尉下邑奔走因符檄喜我蕭散
人幽奇共搜別息陰時一憩貪勝還自力歸時山氣冷草
露濕遊屐舉手謝峰巒高秋復來覲

同曼叔遊菩提寺

高城如破崖寺帶喬木古禪房掩清畫佛畫剝寒雨荒池
野蔓合濁水佳蓮吐蕭條聯騎遊淡薄對僧語秋風日夕
好勝事從此數

遊漢高帝祠

南陽集鈔

十一

平橋架荒塹東上大岡尾岡頭古木合有廟蔭其底攝衣
陞殿堦龍顏儼當几蝙蝠畫帳喧鼠噉珠旒墜不知誰來
祀狼藉樽與盞殘碑壓鼈背上有大和字去此數百載文
剝失所次伊人昔經構視漢猶視彼徘徊懷古意日暮悲
風裏

朝發靈樹寄曼叔師厚

朝發雲樹東曠野陰氣積驅馬入草間左右號鶴鷄重雲
馱玄幕孤月隱白壁歎危涉塗淖轉側綠溝脉涼風滿川
陸眺覽多所適却想會合樂轉首已成昔諸君豪俊士經
訓飽搜擿上下古與今抗論堅莫敵顧我處其間傾聽但
踟躕校士豈所當直以氣類得譬如禮天壇圭璧奠且植
陶匏以其質並列不爲惑論心見表褻吐口出白黑朝案

每共飲夜牀仍抵蹶嘲諧間一發清笑高啞啞自謂得如此至死無厭數敢於百里間而憚轡與策因詩謝所忠酬篇無我默

涇城

駸駸二三騎南並橫山去山窮遠川出始見涇陽樹荒城蘿葛合表裏無寸土但聞鳥啼聲不見鳥啼處呼兒開棘扉掃榻坐茅廡清泉給盥濯涼風生仰俯濁醪稍似佳山菓來近圃始酌薰然和中飲淡無慮案頭伏羲經編絕幾見補先生發其微大義談四五紛攘自諸家簡易獨太古形骸非我有冠帶尚誰取道存固匪外兩致默與語是時季春望山月夕已吐清光出深竹葉上露如雨寒侵毛骨生思有煙霞舉却念人世間紛紛何足數

南陽集鈔

十二

晚過象之葆光亭步月

浮沉閭里間放志謝維繫行貪月色靜歸犯霜華濕寒鼓出城重飛星過樓急却想竹庭下主人猶獨立

曉出郊過方秀才舍飲

浮雲散朝陰初日動晴煦行隨風葉遠去傍田家路人開無遽色馬緩有安步遙識主人舍青帘出霜樹

送寧極還山

晨冰結車轍朔野風正厲君行良亦勤正與苦寒值超然出門去曾不顧我議譬如雲飛鴻勢不受維繫開籠恣其往萬里在展翅場功十月畢田家足幽事兒童樵牧歸荆扉寂已閉燃薪燭茅屋並坐姪與弟自愛村醪熟或以山鹿饋凍蔬斲青黃寒藥煮根柢從容溫飽間萬事一無累

嗟予不得往注目雲接地

答曼叔見謝穎橋相過之什

時寧極先生同往

穎川今古賢豪多後生繼者爲誰何吾交曼叔少挺出力
自樹立非由宅潛心直欲到聖處論議不避況與軻讀書
下筆知所趣崇樹蘭茝遺蒿莪軒昂頭角事高大肯與世
俗同其波一從得官坐山縣有如鷲鳥着網羅朝符暮檄
困奔走尚畏官長來誅訶時時矯首塵埃下窺覩風月偷
吟哦我憐軼才就鞵絆歲一往視無蹉跎扁舟遠放汝水
岸濁酒暮辭高陽阿前時捧牒來穎上謹視歛糴譏姦訛
官曹寂寞古寺冷况况值朔雪飛僮僮馳書里中二三友固
要以義當予過星言整駕夕已至霜橋晚度水峩峩燃薪
暖我煩飲我斟酌脯醬調鹽醃傾壺舉觴紛左右客飽而
笑君顏醜危然正論中法義豆蓬羅列陳象犧嘲排乘醉
忽以發馱如鑿水放九河哀絃孤引四坐寂繼以簫笛相
諧和先生久與人迹絕心如止水形枯柯忽驚此樂非外
獎不覺撫手促而歌歸銜絡馬屢見奪欲去未忍還婆娑
空堂想見別後意一燈夜守陳編哦興來落紙成大句勢
欲李杜相凌摩緘題見寄邀以和大江洶湧難爲沘短篇
澀訥非所報爲我揮筆莫煩苛

南溪

長林拂雲根一逕絕城腹荆扉帶翠樾斗下地愈來清溪
自南來勢抵北崖曲清平水流漫東去入脩竹境幽百物
遂魚鳥得所欲况依仁者居不真鉤彈觸有如佳賓至相
與娛聽矚鳥飛鳴我傍魚泳出深淥薄暮登前岡四顧山

在目雨滋春稼繁風動野花馥達人樂天性不待外物足
遂令茲地勝久不事營築顧我指崖下秋當結茆屋渠波
環古臺輦石坐幽澳霜前復來觀兔肥山酒熟

陪寧極回馬上作

我有龍陽約垂駕輒復停念與高士期不宜後其行春風
三月尾桐谷花草明尋花踏幽草南出山脚青婆娑一古
樹是日先生庭館我茅簷下山瓢日夕傾摘林釘朱實掘
竹羞紫萌朝聽谷禽響夜對山月清高論簡以正疎懷淡
無營徒知服深遠難用一善名維也少頑鈍幾爲世網嬰
一親德義遊頗見外物輕門牆儻可依他時來執經

答公懿以屢游薛園見詒

抱疴積閑縱世味頗能淡惟於山水娛自謂老不厭况茲

南陽集鈔

十四

伊洛間久畜游賞念幽扉深隱竹小約度平塹解鞍庇清
陰拂席見殘豔長溪自南流小閣忽東瞰游人坐兀兀鳴
鳥來泛泛蟹潛石穴幽魚泳柳根暗川童或羣嬉林女有
孤覘醉觴豈留行吟筆靡停占臨歡興何長遵事迹猶暫
伊子志巖壑偶官祿石甌要須三徑足歸跡便可斂買林
接婆娑鑿澗分潏灑田廬常閉門野艇時放纜聊書平生
懷特爲異時驗

寶應寺

林巒若無路鍾磬時出谷鑿石排僧龕研金畫佛屋日沒
上方夕明燈滿雲木

利涉塔院

院有呂丈穆讀書堂利涉法師塔

許公讀書地塵像一來拂門掩僧不歸簷低鸞飛出高入

不可見石塔鎮寒骨

盧溪

盧攜讀書處

伊人沒已久溪溜亦如綫
淳氣揖老僧清陰坐春院始悟
入山深幽林鳥聲變

西溪

我從南嶺來引轡下雲木不知溪流處
但見翠滿谷涼葉覆山泉脩篁翳茆屋

答原甫試墨見詒

金壺道人丸泐墨持賣都城人莫識
君先得之寫大句光與目彩相吞蝕
句精墨妙氣怒豪意欲斬鯨連巨鼇鯨鼇
天地兩微物何足辱吾鈎與刀丈夫卷舒固有道願君少
安無草草都城不獨墨好酒亦好安得不飲自枯槁

南陽集鈔

十五

和原甫去年對雪思梅今年對梅思雪

中州寒燠與南異常恨梅花開不早
今年朔雪冬不飛臘月繁英似南好
君憐芳物感時節愁見高風凍雲掃
苦嗟十九不稱意徒自令人顏色老
雪遲梅早非我力會使金樽日傾倒

奉同原甫槐陰行

天門觀闕雙凌霞下有馳道開平沙
高槐左右覆朱桂綠陰翠氣相蒙遮
朝回巨雲下寶騎游散掣電奔香車我
慙太學官况冷旦暮出此驅疲騮清風
吹涼南就局炎日轉景東還家昏然百
事不知省空復春葉零秋華

和冲卿晚秋過金明池

聞君西郊行正值秋風晚清霜卷枯荷
碧玉瑩池面浮空

結脩梁漏波抗華殿雲煙渺淨色覽望一蕭散細思暮春
際都人盛嬉燕連帷錯繡綺方車騫金鈿填填鼓鐘響耳
目厭譁眩乃令塵囂辭而有清曠戀達人冥至理喧寂無
異觀偶然乘化往何適非汗漫吾知禦寇游所樂在觀變
和永叔小飲懷同州江十學士

翰林文章伯好古名一家無金壁儲所寶書與噐北堂
冬日明有朋聯騎至新樽布八案二鼎屹先置大鼎葛所
銘小鼎澤而粹坐恐至神物光怪發非次羣賢刻金石墨
本來四畜紛穰羅卷軸指撚辨分隸其中石贊藏家法非
一二精莊與飄逸兩自有餘意興來輒長歌歡至遂沉醉
顏飢足簞瓢韓飲尚文字乃知內可樂不必鐘鼓貴溫溫
江馮翊茲理久所請賦詩多雅言嗜酒見淳氣歲晏不在
席使我長嘆喟

南陽集鈔

十六

奉同原甫賦澄心堂紙

江南國土未破前澄心名紙世已傳高堂久傾不復見誰
謂此物猶依然當時萬杵搗雲葉鋪出八案滑且堅剡溪
藤膏不足數蜀江玉屑誰復憐君臣嬉燕盛文采駢章儷
曲鬪巧儼一朝零落隨散地中原篋笥生光鮮君安得此
尚百幅題以大句先羣賢羣賢落筆富精麗瓊瑤寶玦相
鉤聯嗟予材力豈當敵雖欲強賦何能妍耽獨玩物古所
戒崇尚浮藻政豈先江南可哀紙可惜後有觀者存吾篇

同勝之明叔游東郊

仲冬景氣佳曠然息遠涉晨遵大堤去寒日在馬鬣浮屠
紅塵外樓殿煥層疊地遐景幽閑瑤碧秀林葉清香時出

筓餘經尚委笈躋閣眺遠波浮陽來擘擘花枝亦已柔行
見春露浥久耽田野樂况與賢俊接逍遙永日暇塵事不
過睫昔人重時晷所志樹勳業慨予胡不然空陋無所挾
詩情朝生腸酒氣暮醺顏陶陶大化內得此自爲愜諸君
能我從游履方屢躡

次韻和平甫同介甫當世過飲見招

炎風得秋亦已涼喜抱塵策羅南窗策中古人不可見獨
詠君子予心降高文大論日傾吐響快有類鐘應撞却嗟
吾儕多暇日但謠一作暴謹何其吮驅車正得我所念起
具有蔽陳杯缸自憐愚蕙接豪邁弊履乃與華冕雙聖經
王道有本末剽挹醇粹揮其尤須史上下今與古武庫攬
攬千矛鏃疑懷滯義一開豁有如暗室來明缸馮侯抗議

南陽集鈔

十七

亦殊健短鈎長鉞相撐捩介卿後至語閑暇偃載戈甲韜
旌幢弱弓枉矢尚何用久已束手甘避逢是時君有山陽
役扁舟已具河之衽朝吟淮山翠撲撲夜夢楚水鳴淙淙
軒然欲去坐所惜文字雅正姿信愜行年三十不得飽况
有薦道登朝邦遂令奔放不自斂欲旅漁鈎終湖江朝廷
搜賢無遠近北盡塞漠南嶺隴如君才大齒且壯安可推
亮而居龐來詩云孔明
勿問襄陽龐功名得時看樹立豈若都尉眉空
廔

和吳九王二十八雪詩

方冬氣潛溫得晚陰始重狂隨風力翻怒若雲面涌中微
玉霏屑後盛毛紛翫寒光動城關甘滋入田壟鵬鷲海水
飛驥憤鹽車更繁樓巧作層覆道高成甬羣方破昏霧萬

物被光寵塗歌涵太和送賀仰高拱判官坐承華賦詩掩
垂隴貂裘擁宵談金盃落晨捧此興吾不薄君門日當踵
答曼叔客居見詒兼簡里中諸君

少乏經世才引分甘自置不意田野姿尚爲軒冕可三年
太學館飽食無所議京都多賢豪出人許陪廁時從騎省
吟或就步兵醉低回衆人內自謂處身智耽耽秘書府實
待才俊地乃昏落其間衆口沸嘲詈蒸如觸駭機狂顧不
知避忽逢故人來一道平生志歸心西南飛勁疾霜後鷲
遠慙龍陽隱寧極處士近愧葆光吏象之官不去里蘇光所居亭名詩以謝諸
君顛冥非我事

南堂對竹懷江十鄰幾

端居無所聊稍覆治文字南堂冬日明窗戶暖可喜圖書
南陽集鈔 十八

羅滿前意覽不由次聊收靜者趣以亂憂人息亭亭當軒
竹使我長歎喟封植苦不早顏色頗顛顛勁節亮不改虛
心如有遲紉懷江夫子循道久不試邈然高簡姿不受世
俗累一官才復進左謫良何亟德義我所珍軒冕安能貴
長嘯汝水濱濁醪日自醜效陶有新篇君詩多切陶潛翼孔著高
議君著春秋左氏傳論絃琴坐虛室默與古人值顯晦一其心淡然
天淳粹思之不可見暑謝寒已摯諒非對此君茲懷何由
慰

和子華兄晏王道損公字

濟濟高燕會衆賓且喜樂方冬氣常溫是日寒始若愁雲
際平林垂見雪花落四座喜相顧有引必虛爵中堂豈非
佳東圃羅帟幄當亭列射格抗的明灼灼彫弓旣出韞勁

矢各在握主人揖讓與客以次序作目端綠樹移心傾鳴
鼓數笑言何儀節亦稱妮酒酣事頗變極口縱談謔
失令固有罰出語輒見酌平生愛疎放論議鄙齷齪歡來
一狂散豈顧醒後作詩人亦有言善戲不爲虐所賴衆君
子濶達見表襮還家遂酌酌豈復記鳴柝

送李寺丞宰藍田

李次開居

君誠巖壑徒出宰亦山縣尚喜終南峰蒼翠不去眼春風
吹征車千里度灑澹到日勝事繁花光老秦甸

又和楊之美家琵琶妓

楊君好古天下無自信獨與常人殊勤身所營世或棄反
眼不顧我以趨彼其察物類有道能取精妙遺其麤官卑
俸薄不自結買童教樂收圖書客來呼童理絃索滿面狼

南陽集鈔

十九

籍施鉛朱樽前一聽啄木奏能使四坐改觀爲歡娛有時
陳書出衆畫羅列卷軸長短俱破縑壞紙抹漆黑筆墨僅
辨絲毫餘補裝斷綻披尺寸分別品目窮錙銖以茲爲玩
不知老自適其適誠君徒豈無高門華屋貯妖麗中挂瑤
圃崑崙圖青紅采錯亂人目珠玉磊落焚其軀苟非絕藝
與奇迹揚君視之皆蔑如楊君好古天下無

遺吳冲卿大饗碑文

蒼碑剝龍螭突兀古殿側世變文字異歲久苔蘚蝕諒非
好事者塵土未嘗拭我來仰首看百過不自息曩者魏方
盛帝丕託威德馳驅百萬衆南指斗牛域誓將殄氛侵飲
馬長江邑翠華鬱回翔高會誇故國肅肅環珮響煌煌羽
旄飾鼓鍾何鏗鏘淮漢爲震及罷饗示得意稿文永鑠勒

從臣梁孟皇隸法當世特奉詔無與讓淋漓奮其墨爾來
幾千歲卓卓見筋力端莊九鼎重勁挺羣珪植威儀商山
老氣象漢庭直惟昔銘枸戈先儒固難迹况我蔽陋極視
此空歎惜常恐日磨滅不辨點與晝呼工模於紙一掃見
白黑緘包比瓊瑤把玩廢寢食于時大經九有詔講謬忒
刊之太學中爲後代法式冲卿邦家彥學問古今積辭端
海鯨運筆力霜鬣擊况茲服儒官酒翰固其職楷模所流
傳歷世動千百自非體法正徒使觀者惑厥初篆草隸根
本君已極聊持釘張旣度以叅得失

飲聖俞西軒

歡常以飲合歡意則非外今吾二三子共此西軒會主人
吾儒秀言與二雅配酒行倡大論文字畧瑣碎上言評人

南陽集鈔

二十

物要當本諸內下言譏爲學不以滿自舉唐之衆詩人區
別各異派一經君子評斂擊音棄秕構亨曰吾聖俞名足
通後代答我文如韓尚有六經在况吾何所立聞譽若抱
蠶聖俞善誘掖斯語不無戒意欲令吾曹事業進以大我
雖頑無能聞此亦健快呼觴滿自引不畏坐客怪歸來書
短篇聊以記所佩

答賀中道燈夕見詒

春風揭屋沙激窗兀然孤坐如植杠酒昏兩眸溼不視案
上書策徒縱縱獨待高篇恣哦詠頓覺精銳還軀腔前時
官家不禁夜九衢豔豔燒明釭綵山插天衆樂振游人肩
摩車轂撞君於此時守經籍直欲行業純不尨想初嘉句
落紙際筆下袞袞來長江我今散懶世味薄惟於靜者心

爲降江翁蕭開梅老淡文字酬酢交予縱恨無奇麗與闔
角日策疲馬參其雙能來相從不憚數與子賦詩傾酒釭
和如晦遊臨淄園示元明

平津開館大道西桃夭杏花通園蹊東風入林朱白動次第
裝遍枝高低紅梅最好花正盛我時往看歸仍攜爾來
風雨就零謝忍見踏盡隨春泥廣文先生厭閉冷投書結
伴散馬蹄主人同僚相門出未肯朝暮甘鹽齏歡然握手
喜迎候促具並走子與妻插芳咀甘不知去歸舍已見雞
在栖坐揮大句鄙凡近脫落塵迹登天梯不因時節自娛
放頗置白黑爲愁悽我昏如此漫不省何異車鼓樂鸚鵡
長安綠酒春正美與子一醉萬事齊

答和叔城東尋春

南陽集鈔

二十一

尋春之何許乃在城東隅東隅信佳處名園間精廬時屬
積雪霽田壤墳以蘇雍容二三騎並轡徐厥驅僕重怪且
議寒野安所娛不知陽和氣決滂于空虛仰視孤刹起突
兀凝神扶其下萬華屋碧瓦魚鱗鋪南行歷亭館近接棟
與樞陰草含碧色陽條散紅腴周覽氣象嘉高步形跡舒
提攜上樽酒饌不過魚蔬爲奉豈非薄歡至自有餘却思
九衢上車馬何區區紅塵塞兩眼勢利各有趨雖欲求暇
逸何能幸須臾君勿輕此樂此樂未易圖

招景仁飲

紅薇花拆萱草丹萬鈴嘉菊重臺蓮問公此時胡不飲樂
有至理須鑽研后夔已遠師曠死寂寞千載無其傳公窮
天數索聖作坐使綠鬢成華顛屠龍絕藝豈世用儀鳳至

業非公專洛陽有客金石堅持議不屈難鑿鑄圍收獨樂
會真率以勞效佚寧非偏古稱兩忘化於道此理豈不曠
且然折花持酒待公醉樂至無聲方得全

次韻和君實寄景仁

予年行七十惟日就志昏雖高鴻鵠舉尚困雞鶩喧壯心
久已摧弱羽不得翻每誦少游言顧慙下澤轅蜀公有高
志謝事久杜門擾擾世俗務不復挂口論羣經雜圖史擁
坐如周垣上談千載故速若水注益客來必命酒左右拱
諸孫雖無歌舞歡自喜談笑溫仰高顧吾私有類瓶觸藩
尚期蓬華完亦有桑榆存近觀敕子詩尤見朋義敦卜居
近吾廬指日駕君輜構堂始云基築圃亦已樊前知會合
期不慘離索魂想像入笈初親賓燕華樽談高一理會體

南陽集鈔

二十二

王百疾奔共完天純粹豈識世許謖方笑司馬翁獨樂守

空園

獨樂君實園名

寄秦川馬從事

往歲游西謁季長隴雲秦樹勝風光分題紅葉蠻牋膩對
舉流霞綵袖香宴洽翠娥連象榻夜寒嬌鳳泥銀簧未知
早晚重攜手惆悵而今鬢已蒼

春霽憶洛陽

少年結客洛陽時閑傍東風駐馬蹄山色遠饒潘岳宅波
光輕撼窈娘堤花繁到處紅如堵酒好尋常醉似泥賴有
金臺舊知己應憐魂斷虎牢西

春朝

燕語聞多日蠶眠過幾宵花深不辨蝶柳暗欲迷橋便面

金環重障泥玉勒驕黃公酒壚上誰貰燕喜貂

晚春

春暉東去月收弦却拂凝埃敞北軒幾曲雲屏空白晝一
簾花雨自黃昏庭蕪碧合陰蟲息牕樹紅稀鬪雀喧細憶
舊歡都入夢習家池上子山園

象之以山藥見贈

龍山有游客贈藥滿筠籠葉漬沙泉碧苗分石竇紅斷應
侵曉露來喜及春風却笑丹砂遠辛勤勾漏翁

飲方君舍晚歸

慘淡秋原息歸鞍暮向城野風吹酒散寒日上衣明躑躅
樵兒聚喧呼獵騎輕村醪處處熟准擬數來行

自靜教院晚步溪上

南陽集鈔

二十三

雪盡岡頭路風和臘後天人安閉淡內鳥下寂寥前凍水
晴初浪荒城晚自煙西橋車馬急歸意尚畱連

同化光陪寧極之滎陽城

不踏南溪路于今五換春能來再聯騎還是舊遊人置酒
真乘典談經或入神歡餘不無愧林壑未還身

之石橋

是日風陰異常

聞說西橋水樹間不辭驅馬涉風煙疎籬老屋臨官道瘦
棘荒茅蔽石田欲下鳴鷗盤木末遠來驚雉落山前瓢中
幸有村醪美不怕春寒雨滿川

過邵先生居

竹塢斜開逕茅簷半卷書幽閑入高卧淡薄見平居亂水
隨灑引殘花不掃除因君動高興回首想吾廬

寶奎殿前花樹子去年與宋中道同賦今復答宋詩
長條飛動不依棚淡粉濃朱巧作團無語不辭終日立有
情曾是隔年看春羅試舞衣新換古錦藏詩墨未乾我爲
愁多悲節物欲酬佳句淚霑翰

和子華兄同永叔飲三班官舍兼約明日飲永叔家
視草名臣潤色才玉墀晨退共徘徊朝廷無事文書省臺
閣相歡笑語開少厭賡酬停落筆旋尋歌舞約銜盃廣文
主簿官閑冷不是詩情豈合來

謁象之同諸君步之東禪院

二年憔悴走京塵匹馬歸來訪四鄰足滑舊諳城下徑眼
明重見里中人青蔬不沒荒畦雪翠栢常留野殿春風物
自如人事改夕陽衰淚落衣巾

南陽集鈔

二十四

奉和喬年館宿

蓬萊仙構斗魁旁遞直初登漢署郎雲向城頭收暝色月
從樓角放寒光行看砌菊嗟殘豔坐對書芸襲暗香景物
過清渾不寐素經離罷得新章

時喬年校醫書

寄題蘇子美滄浪亭

聞君買宅洞庭傍白水千畦插稻秧生事已能枝伏臘歲
華全得屬文章騫飛靈鳳知何暮蟠螭蛟龍未可量莫以
江山足清尚便收才業傲虞唐

寒食出郊

都門氣象雨餘佳壓盡風塵見草芽日薄風和近郊路朱
紅粉白遠林花堤間獨去嬰珊女柳下相逢輕轆車絲鬢
未催樽酒在不須辛苦問年華

繡鞅金羈十里塵共傳恩詔樂芳辰千重翠木開珍圃百尺朱樓壓寶津御柳初長遮雉宮花未識駭遊人自憐窮僻看山眼來對天池禁籞春

送劉景元觀察守襄陽

荊州太守駕朱轡寶筆題詩出御前應賦笙歌消暇日欲將才業効當年千章翠木雲間寺百丈清江雪後船看取古來良吏迹蒼碑突兀峴山巔

和伯壽秘監

曾陪道論接清歡屈指如今四十年不用笙歌娛上客直將風月待高眠黃花一醉猶能否白首相逢是偶然便欲投官結閑伴家山况與碧嵩連

南陽集鈔

題卞大夫翠陰亭

新得亭名號翠陰軒窗環合盡青林定知野客先回顧何處山禽自好音池面有蓮風氣馥城根多竹月華深明年便作歸來計應許攜樽與抱琴

和太素同看梅花寄子華

寒林凍卉誰觀者繁豔清香自得之天賦好花如有待日尋幽徑不知疲未逢驛使空懷遠猶喜山翁亦好奇昔歲一觴今一詠共陶真意不爲私

樂道示長句輒次韻

光陰不覺成陳迹事變何嘗有定期身外閑愁無自入飲中歡興未全衰編排暑後新投酒點檢秋來合唱辭更欲邀君浮畫舫花菱蔓滿西池

和詹叔遊廬山見寄

香爐峰色壓羣山，仰眺頻歎使君冠。
江面煙波搖紫翠，佛宮金碧照晴寒。
密藏幽谷梅千樹，散走鳴泉竹萬竿。
今日頓驚塵慮盡，一章佳句雪中看。

和朱主簿遊園

白首昏昏度歲年，忽聞春至便開顏。
溪頭凍水晴初漲，竹下名園晝不開。
旋得歌聲教妓唱，遠尋梅艷喚人攀。
如今尚有官拘束，解組歸來始是閒。

登湖光亭

雪盡塵消徑露沙，公家池館似山家。
翠痕滿地初生草，紅氣通林未放花。
匝岸平波清照鴈，壓城危榭斗回鴉。
自慚白首猶主組，此地年年賞物華。

公時遺石榴

南陽集鈔

二十六

高冠趨尹君，方椽成促席迎賓我。
已翁喬交態不忘平日，厚歌聲猶似少年工。
映階露菊秋吟苦，盈筥榴歲問通。
每與東鄰話知舊，白頭強健幾人同。
景仁

登城樓呈子華

麥苗黃熟稻苗青，餉婦耘夫笑語聲。
樓上清風簾箔靜，田間白水鷺鷗輕。
展親會集從容樂，娛老謳吟放曠情。
羽翼漸消民食足，更無餘事計虧成。

又和子華

沉陰消盡見春和，初放扁舟汴綠波。
水際踏青憐日暖，林間舉白爲花多。
狂從從田婦窺籬看醉任，家童刮鼓歌年少。
縱歡饒點檢，老懷終不挂誰何。

同化光飲象之家

又從鄰舍客來折主人花游處當年似悲傷老去加興長
歌易放情密語無華歸路生殘月春風醉袂斜

和謝主簿游西湖

雲陰開剝日光穿和氣隨風近酒船湖面波清渾見底樓
頭山碧自生煙典長不忍回孤棹歌懶才能逐緩絃因子
樽前話歸計醉魂先到峴山邊

景仁招况之聞用歌舞望門而反作詩戲之

一夜嚴風結素波盍簪寧避曉寒多范滂攬轡方清俗墨
子回車豈惡歌雲外雁寒驚歲晚林間鴉語弄春和知君
不久承寬詔始奈紅裙綠酒何

襄柑分惠景仁以詩將之

南陽集鈔

二十七

荊州解綬十經春迴夢青林遠漢濱霜氣輕寒催紺實渚
波餘潤作甘津僧園採掇寧論數客路奔馳竟占新雪意
垂收高會缺分金聊助席間珍

和三兄游湖

竹陰迴抱柳陰敷石色青青潤不枯暫到已驚風力勁更
清須待月輪孤波涵天影迷高下雲覆山光變有無暑退
疾清人意健縱吟狂醉是良圖

和景仁元夕

月上朱樓角風搖翠篠層傳聲迴步輦滿目爛行燈簫鼓
千門沸弓刀萬馬騰詩翁懷盛事眉雪慘霜稜
禁戶千通鼓天街萬點燈懷君瑩如玉驅馬不嫌水樂事
看流俗狂游記舊朋回思真夢幻不待訪林僧

謝堯夫寄新酒

故人一別兩重陽每欲從之道路長有客忽傳龍坂至開樽如對馬軍嘗嘗怪杜詩曰先盞開嘗對馬軍及得錦屏山題名有寄河南府使馬軍送新酒者然後釋定將瓊液都為色疑有金英客借香却笑當年彭澤令籬邊終日歎空觴陶靖節云秋菊盈園而時醪靡至

和謝厚卿載酒見過

應為閉門境太清固攜歌管逐雙旌酒逢歡後寧論量語到真時不屬情木葉吟風千籟作菊叢含雨萬珠明知公八案常豐暇詩息如泉日夜生

謝到水仙二本

黃中秀外幹虛通此花外白中黃莖幹虛通如葱本生武當山谷間士人謂之天葱乃喜

嘉名近帝聰密葉暗傳深夜露殘花猶及早春風拒霜已

南陽集鈔

二十八

失芙蓉豔出水難留菡萏紅多謝使君怜寂寞許教綽約

伴仙翁

觀安公亭戲呈觀文主人

十五年來此地行白頭重到不勝情梅寒未放黃金藥水綻初流碧玉聲憔悴霜松如有訴庵前一松枯悴輒呼園吏汲水灌之紛披風竹似相迎紅裙散後歌音絕海鶴階前時一鳴風流蕭蕭酒二俱不惡

寓展江亭謝堯夫寄酒及花

措枉我先違陞石均勞公已下堤沙已欣晚歲逢良友更喜高秋見好花旨酒芳新來似水危亭清絕至如家三杯舉白歌相和忘却風前兩鬢華

哭蘇子美三首

未起蛟龍卧俄纏鵬鳥悲寢門號故友總帳哭孤兒業履
歸輿議銘文絕愧辭滄浪亭下路長負故人期子與子美
有滄浪之
約今則已焉

魄動書流創

子美去冬與子書云覓無相見之期誠通夢告悲

子夢若有告
子美亡者且

而得

人生要有盡君沒竟何施白日空塵八春風自酒卮

旅魂歸未得藁葬近要離

才大終爲累寃深豈復論幾年流落恨千里寂寥魂功業
初懷負風流秀句存英靈邈無所灑淚望閭門

和晏相公湖上四首

霧霽山高牖天寒水落沙試披深岸草往征見黃花
穫水登紅稻篙舟割紫菱盃盤見秋物江海息飛騰
風枝挂危葉飛動夕陽中莫遣兒童撼畱看著露紅

南陽集鈔

二十九

折葦隨風色枯荷盡雨聲平波極眼淨好放畫船行

答師厚夜歸客舍見語

幽居直欲學忘言忍對賢豪遂默然談到精微夜寥聞秋
風時下竹窗前

和晏相公湖上十月九日

斷橋孤嶼寒光外短檝輕舟斜照中未必江湖能勝此野
棠梨葉赤如楓

謝送妃子園荔枝

年年驛使走紅塵貢入驪宮色尚新妃子園名猶未改一
籠丹實寄閒人

醉醺花

細蓓繁英次第開攀條盡日未能回不如醉卧春風底時

使清香拂面來

城西書事五首

荒畦遶茆屋林下輓轡遲霜蔓已除架風瓢空挂籬
朱果繁霜後甘甜半自零忽驚林色曙零落見殘星
犬吠村墟改人移井曰空誰家收粟罷林脚有遺蓬
松陰不可憇冷冽恐飛霜時有高風過乾花落石牀
野竹濛荒塹寒花亂廢墟秋郊足幽事直欲帶經鉏

徐祕校過池上見訪畱二絕句

依韻

樽酒浮多蟻舟蓬覆似蝸折楊爭貫鯉編竹自撈蝦
憐君此休駕長日坐傾斜山雨催行酒林煙候煮茶

洛城雜詩五首

分從柳外揚鞭去同作花前載酒行題得新詩無處寄維

南陽集鈔

楊詩丞持詩見尋不遇

三十

英飛絮滿春城

洗馬澗邊芳樹密欄干仍在碧流西香檀亂拍朱絃急應
有遊人醉欲迷

洗馬澗

上東門外春三月桑葉陰陰覆菜花密竹亂流行逕絕枯
樛鳴處是人家

上東門外

無數長條亂曉風誰將紫錦覆春叢殘英點落青苔面獨
倚朱欄細雨中

府署紫錦帶花

櫻桃園裏鳴禽亂獬豸池邊積草多七十年前繁盛地曲
蹊深隧見張羅

會節園

惜餘醪

天意再三珍雅豔花中最後吐奇香狂風莫掃殘英盡畱

與佳人貯絳囊

陪晏相公遊韓王水磴園

行遍洛川南北岸自憐探賞頗窮幽不知物外清閑境只在韓王水磴頭

出雷守府之東游李相園趙令竹林觀楚家桂樹子去歲數從元獻公爲此行作三絕句以道悲愴之意

府東朱戶昔嘗開日日從公選勝來游履吟毫成故事斷松飛溜有餘哀

李家池上朱櫻熟趙令林中錦籜春更欲題詩論舊賞自慙非是絕絃人

曾陪樽酒詠芳叢今日遲雷意不同公詩云更作丹花滿煙葉欲令佳客剗遲留紅萼似知人慘淡亂隨清淚落春風

南陽集鈔

三十一

西城

暖風和日著人來細柳高榆抱逕回我爲傷春足悲恨不禁驅馬上愁臺右愁臺

太皇太后閣

鏤成寶字題宮戶剪出名花趁御筵人世不知春色早忽驚歌吹下中天

太后閣

金花鏤勝隨春燕綵杖縈絲逐土牛迎得韶華入中禁和風次第遍神州

綵杖朝來散玉京綺窗新網結初晴靜呼宮女教調曲閑引皇孫看學行

皇后閣

紫蘭紅蓼簇春盤曉逐金壺下太官朝過三宮歸已晚日
華明麗雪消殘

夫人閣

漸暖正當挑菜日輕陰漸變養花天君王勤政稀游幸院
院相過理箆絃

宮娃拂曉已催班拜謝春幡列御前不待東風報花信紅
酥綵縷鬪芳妍

餘醪

平生爲愛此香濃仰面常迎落絮風每至春歸有遺恨典
刑猶在酒盃中

戲示程正叔范藁叟時正叔自洛中過訪

曲肱飲水程夫子宴坐燒香范使君顧我未能忘外樂綠

南陽集鈔

三十二

樽紅芰對朝暉

曲肱飲水一作開門讀易宴坐燒香一作
隱几燒香朝暉一作射暉

卜仲謀八老會

同榜同僚同里客斑毛素髮入華筵三盃耳熱歌聲發猶
喜歡情似少年

展江亭海棠四首

占盡人間麗與華白頭判得醉流霞誰將法錦翻新樣紅
綠裝成遍地花

昔年曾到蜀江頭絕艷牽心幾十秋今日欄邊見顏色夢
魂不復過西州

紅糝裝條嫋嫋長人間不合有天香此花無香千觴未足酬佳
麗回首東風更斷腸

又避寒風與暖曦年年長此探花期如今太守尤珍愛只

許官娃戴一枝

和杜孝錫展江亭三首

斜日低雲動水光，偶尋佳處閱羣芳。城闌不隔和風度，吹過千花百草香。

驚鷺飛鳴避畫櫂，游人笑語過朱橋。買家園裏花應謝，綠遍牆頭野杏梢。

世情未免歌紅粉，道韻無妨寄白雲。歸路看花應更好，林間明月涌金盃。

和微之飲楊路分家聽琵琶

酒熟梅香臘後天，春鶯巧囀忽當筵。共啜白傅辛勤甚，萬喚千呼始上船。

朱絃四十昔嘗聞，藝不論多貴絕倫。少損新聲放平淡，免教醉殺白頭人。

南陽集鈔

三十三

再和堯夫同前

是夕微之劇飲歡甚

教得新聲十二絃，每逢嘉客便開筵。春湖水綠花爭發，好

引紅粧上畫船。

遇酒逢歌觸處春，白頭相視若天倫。須知丞相官儀重，不及琳宮自在人。

閑居息湖上

遠泛每思隨鴈鶩，深居半是避杯觥。官閑日永無餘事，卧聽朱絃教曲成。

庵中睡起五頌寄海印

窓間日射寒松影，枕上風傳過雁聲。夢覺來元一際不勞唇齒話無生。

四山標韻出風塵高下雖殊一色均爲我終朝談實相參
差庭栢敞精神

剡竹初絲雖短長誰教曲折號宮商自從眠處知消息終
日笙歌是道場

飯後西堂百步行困來合眼是無營從生至老非他物道
著如今已是情

火衰水劣病餘身未散虛空一聚塵更欲強招年少客折
花同賞夢中春

